



09956

弁州山人續稿卷之十七

吳郡王世貞元美著

詩部

七言律

答魏大侍御時自謫遷南考功

一龕燈火傍殘年  
畫省勞君記憶偏  
名去已無彌勒  
累病餘甘老辟支  
禪爭傳諫草  
千秋業未了  
曇花半偈緣  
好去鳳皇臺上望  
攬輝爭似昔人賢

贈李公子

冰玉堂中夜色酣  
皎然瓊樹坐相參  
毛當彩處知為

弁州山人續稿

卷之十七

一

鳳絲到青時雅勝  
藍幸自忝收文舉  
刺那能別共阿戎  
談朝來學士支  
牀語吾道于今忽已南

甲申元日試筆

暫施冠服候呼嵩  
爆竹聲殘續曉鐘  
天上元正開白虎  
山中初九愛潛龍  
數枝椒栢和玄醴  
一畝蓬蒿謝素封  
五十八年猶未是  
于今化日始從容

偶成

匡牀眠坐儘優游  
興至三杯過即休  
小出便支叩竹杖  
輕寒旋進木棉裘  
爭春桃李差嫌富  
滴雨空階不起愁  
較得近來詩句拙  
肯容心力費雕鏤

其二

城隅鹿共蓬蒿宅春首鶉懸薜荔衣鷄犬不妨名地  
肺鳶魚隨處有天機曾希玄嶽祠官選別署茅山道  
士歸出處浮雲都散盡可煩追較向來非

將斷文字緣作此

竒人縱可敵楊雄才鬼那能勝葛洪仙字嚼完還作  
蠹古文雕盡僅名虫迂謀欲寄千秋後夙業都收一  
寸中最好祖龍真解事談天非馬頓成空

其二

春來約畧保殘身第一先教筆硯塵不出幸逃歌鳳  
弇州山人續稿卷之十七

二

句空言羞博愛龍人冰絃斷盡琴心顯蘚匣埋深劒  
氣真會得維摩法門意孤峰何處不嶙峋

壽行太僕卿徐明宇七十

惠文冠挂白雲深家傍仙源可易尋傲世松筠長借  
色及門桃李盡成陰笈藏玄女三符字書闡羲皇萬  
古心七十縱稀何足頌他年須獻武侯箴

吳明卿大叅挾方山人仲美王太學行父以三

月三日訪我弇園與家弟敬美曹子念騏兒

小集分韻得林字

別爾風流可重尋足音歡劇淚沾襟不教剡渚成歸

易為感南皮舊俠深度曲過雲千樹響迴撓弄水百  
花陰蘭亭故是吾家襖名數依稀更竹林

明卿與諸君過澹圃分韻得窮字

無轄何須畏孟公家園不腆有春風畫長榆影愧俄  
後溪靜人聲杳靄中奏我朱絃吳楚合感君青眼弟  
兄同興來俗物難輕敗源隱桃花未怕窮

明卿諸君再過弇園分韻得園字

日日呼兒掃葦門即看春夜為誰繁論心自古平原  
酒有句重過何氏園移病故人當不厭避賢詞客暫  
稱尊唯憐濟勝無多具報爾空梁落月魂

弇州山人續稿卷之十七

三

明卿走酌先司馬墓貝以病不克從僅家弟侍

行志痛志感

隴首愁雲結夜臺墓田松柏慟餘栽百年玄草候芭  
在萬里生芻孺子來羈病轉深烏烏痛獨棲誰和鵲  
鳴哀但懸吳劔寧論晚何事星文黯不開

贈鄒黃州彥吉遷閩學憲彥吉之先為宋忠公

浩其外大王父則魏恭簡公嘗視兩省學政

者也

驪歌赤壁尚相聞絳帳闔天已似雲不為 聖朝

偏貴少幾人循吏復能文道鄉遺脉從看大宅相餘

光又借分處處江山俱動色一詩先報武夷君

方仲美博學有文而時時使酒依吳明卿居武

昌從訪弇中有贈

別我方于近十年武昌魚美足留連書從七略能窮  
討字向三蒼有秘傳倚醉漫誇文舉客長貧忍拔退  
之錢縱令相見無饒潤去後那能不可憐

王家馭提學春夏之際連得二丈夫子以詩賀

之再責開宴

紫氣充閭瑞不孤為誇英物重咏咏天門累送麒麟  
石海國雙輝老蚌珠同歲也堪名達适及秋爭指字  
弇州山人續稿卷之十七  
四  
之無但教湯餅頻頻會何必論功始見呼

與元馭宗伯家馭及吾弟敬美二學憲陪楊大

宗伯月夜沿流泊西墅作

婁子城頭生暮煙坐深爭受月娟娟  
蘭橈信水知何處蠟屐穿林亦偶然  
但語襟期俱有素即談朝市不妨玄  
機忘已信眠鷗熟緩解那勞醉尉憐

州司不出  
候公故云

送殷無美赴夷陵守

十年清問滿公車今覩方州建隼旟  
東下江平知禹鑿西來土黑是秦餘  
渚宮人去煙俱冷巫峽才多雪不如  
俱道大夫饒賦咏莫因天遠廢雙魚

大中丞馬公昔建節渚宮余忝氣分之雅茲撫  
有江右貽書慰存賦得一律志謝兼簡公部

人鄧太史

棠陰故傍渚宮多槐色新從南浦過此日五溪懷馬  
援當年一疏忝常何魚械遠結纏綿意錦段難爲報  
按歌宇下豈無徐孺子可能迴駕訪煙蘿

送顧太史病起還朝

片帆無恙闔閭城起色江湖早暮平定有朝霞凌玉  
筍可因秋月傷金莖箕裘別振簿家業臺閣無妨蓋  
代名况是著書繁露就 君王日俟廣川生

龔州山人續稿

卷之十七

五

挽尚壘丞李君

內史方欣省覲時那堪慶弔忽相隨迢遙漢死金莖  
露零落淮南桂樹枝看毳鳳毛能不惜金埋犀塵轉  
成悲祇應長吉文成後遣捧霓旌召太師

君卒後半  
歲而太師

亦掄  
節

李本寧大叅自楚訪我彘中紀別二章

艤符忽轉越來溪太史浮湘下會稽誤擬真人栖海  
上父知夫子在關西看宅氣色還金馬顧我形神似  
木鷄稍喜薊門游子到別筵能唱白銅鞮

其二

誰堪支策訪柴荆一笑高天青眼明八月江濤為起  
色五絃春雪乍成聲君時服除雄飛豈復吾曹事狎王憲  
君異日盟却咲少陵都不解李侯那肯似陰鏗

少玄瀑泉二將軍母七袞褒封太夫人壽言

魚軒容與誇王國鳳詔聯翩出帝州太母別封加紫  
綬將軍新第枕丹丘稱觴朱履三千客遶膝斑衣十  
九侯共曉舍飴今日樂不知九膽向時愁

少玄奉國蒙恩推攝國事詩以賀之

洪都朱邸鬱摩天同姓諸侯未乏賢帝欲紹封

齊孝後人傳攝國魯侯年長沙不小迴旋袖子建何

會州山人續稿卷之十七

六

煩自試篇最好豫游鑿玉地可應歌舞但如前

為仲淹贈其猶子肇元

新都少年汪肇元結客不肯稱平原沾沾執鞭御元  
禮宛宛解袂貽王孫累碁少深伯父賞學詩晚得門  
人尊莫將片語為月旦水鏡于今吾已昏

經師朱教諭教先生八十壽言

仍棲故壘學康桑書帶沿階薜荔牆老去朱顏猶自  
王少來青眼或能方西河舊憶經生業北面誰當弟  
子行偶為敲針一垂鈎不將餘日向文王

有感

出處頻年尚屬人于今不出始由身留將頂相稱居士洗却頭銜字道民一鍾隨身那諱死三食度口不緣貧寄聲無限同盟者苦海中間學問津

汪伯玉司馬同淹佳二仲徐孟孺胡元瑞過我

余園而張司馬肖甫亦至

清秋起色強登臺不為高軒護綠苔星斗自催占象動風雲羣擁臥龍來况逢開府前茅地各逞追鋒上駟才出處縱殊心事一狎人鷗鷺莫輕猜

送伯玉同二仲元瑞清洋將抵玉龍橋望玉山

作

弇州人續稿

卷之十七

七

離筵太白肯留殘欲盡豪賢且細看青雀又分孤旆色玉龍空金兩峰寒驕從塵尾爭名晚仲淹被酒與元瑞爭名而老向刀頭忍淚難伯玉與予最老而最相知何事不留三鳳住

王家兄弟少琅玕

乙酉元日試筆

黃鷄唱曉酉更真老興不逮兒曹新孤眠一千八百日尚作六十尋常身坐頭却占最後盞曆尾數殘無復人旋呼藍輦入山去別向梅花探早春

人日得毛侍御秋中貴竹書有感却寄

當時繡斧出姑蘇壯思那隨別思徂秋鴈始為人日



信夜郎方表使星孤輪埋定馬霜先後檄掃千盤瘴  
有無不爲漁樵堪記憶祇應清夢入江湖

癸未十月戌伯從孫詹錄偕弟進士寅季姪孟  
嘉過敬美澹圃看菊花作

九月黃花十月肥疇能澹圃鬪寒菲移庖酒自江州  
好挈弟人誇小令稀二阮不須論犢鼻諸王應是勝  
烏衣憑誰請得葳蕤鑰夜半猶歌緩緩歸

甲申中秋夕成伯寅叔孟嘉復携酒弇園楚人  
李惟禎來不疑輩在馬頗具歌吹之樂得一

首

弇州山人續稿

卷之十七

八

弇園寂寂已經年忽有新颺弄管絃楚客自能鸚鵡  
舞吳儂偏愛鷓鴣篇携來羣從蘭心美折後雙枝桂  
鳧圓塵世明朝應詔說緱山此夜有羣仙

寄夏州張中丞

然明風績許誰攀西斷單于指掌間投筆欲乾蒲類  
海如椽還濕賀蘭山囊無赤白烽長偃綬有銀黃肘  
不閒聞道秦天猶咫尺未須愁問玉門關

憲使西華王公七十乃弟暘谷公亦六十九矣

子念乞言爲壽

西華山頭西母過喜君花萼媚煙蘿從知噉蔗流光

美况復分柑樂事多門有鑑湖堪賀季室無天女勝

維摩公居禪觀  
傍無賸侍墳篋別是千年曲不唱平原奈樂何

范侍御按越還枉駕草堂值予徙止弗獲脩款

志感并謝

官中一范早知名况復郵筒來往情却為青郊深草

屨虛勞紫氣在柴荆鴟夷去越從誇疾魚舍還吳且

自輕見說飛章擢五鹿那能嶽嶽傲諸生

寄彭欽之太學

看君經笥腹便便入洛何妨彊仕年舊有華亭豪士

賦新成蘭史辟雍篇橋門細雨中從角帝里高山瑟

弁州人續稿

卷之十七

九

漸絃師傅安昌應不乏阿誰虛席待彭宣

赫侍御按蜀見訊以所作金紫橋詩刻及呂仙

翁贈詩見示有荅

白簡丹心奉 聖朝猶能清念及漁樵即看頰尾

雙魚色至自驪蹄萬里橋夔子暮雲應獨裊蓬婆春

雪為誰驕呂翁虛有邯鄲贈叱馭王尊豈憚遙

送徐孟孺游北雍且應秋試

南州孺子雅翩翩坐榻時煩府主懸璞玉自佳三泣

楚囊金行盡一游燕寧因狗監文方貴纔及龍門客

便賢君又客元  
取閣老衰病送君無可道依稀猶記鹿鳴年

李惟貞使君自金華修訊且惠山資有謝

春來蘿薜媚深幽猿飲鴻棲何所求但得昔書賢十  
部寧將筐篚累諸侯山驅白石堪修饋水釀清溪足  
破愁若使鄭公重仗鉞還從竹馬候江頭

觀奕者周生與朱茂才奕偶成一律贈周

媚清館前花事微客將棋局送斜暉聊成死處窺活  
趣不向生門發殺機敵手壘成俱渭水監軍馬蹶有  
淮淝一枰未了興先盡餘響猶殘吾已歸

趙汝師宮洗領少司成以野服過我草堂言別

作

弇州山人續稿

卷之十七

十

當時雙鳳響朝陽此日三鱣集講堂黃綺可緣宮傅  
重白衣時作野人裝旋分僧供茵陳暖小出村沽栢  
子香非是木禪都不薦慈悲一願未曾償

汝師語次多及時事民瘼慨然有感復成一首  
春風融融吹客牀忽有霜色生干將感君方寸起鱗  
甲笑我七尺真皮囊燕中羅網致足畏吳下繭絲胡  
可當藉令指日相司馬何似得雨烹弘羊

弇山堂庭中玉蘭及含桃二鳩

玉蘭萬朶玉屈卮含桃亦自煙迷離祇愁紅粉墜瑤  
砌忽喜靺鞨靸青枝朝霞碾圓搔妓髻甘露結液和

詩脾劉郎醉臥舍人橫  
鬻妃女唇甘如飴

弇山堂後石甃芙蓉池

弇山堂北四綺樹落花盡  
落芙蓉池丙夜盈盈璧月  
照伏日習習香風吹衛軍  
開府誇上客秘監襞紙裁  
新詩野夫但解碧筒飲九  
竅涼生當語誰

竹逕之右方小白蓮池

懶病難畀綿上田不因中  
聖始逃禪行穿王舍城中  
竹小得東林社裏蓮月色  
細分金瓊碎露香偏施玉  
嬋娟欲知雙屐鍾情處多  
在朝暉未吐前

少保戚公元敬解嶺南將  
印還萊海訪余婁上

弇山人續稿

卷之十七

十一

言別得二七言近體

將星初傍女牛鄉與剔青  
燈秋夜長嶺海歸裝無意  
蒹薊門遺愛有甘棠從他  
具錦時催織未必良弓便  
可藏別酒自溫膚自粟篋  
中霜色起干將

其二

婁江西接五湖濤別鷁穿  
雲望眼勞但使鴟夷心事  
足毋論麟閣姓名高安期  
自有仙人棗冶子何煩大  
相挑若遇魯連東海上爲  
言余久愛蓬蒿

送常章二廣文射策公車

鳴鹿諸生嚮祖筵碧霄鸞  
鳳劇聯翩四詩誰不推匡

鼎三絕俱堪嗣鄭虔今去連城雙白壁  
竭來寒雨一青氊懸知博士多高第  
不是菑川即廣川

送蹇子上兵憲進中丞撫順天

獵獵朱旂鼓吹翻聊從父老一攀轅  
袞衣可更來南土鎖鑰今偏借北門  
日月自懸三輔近風雲長護七陵尊  
何當貌得髯公相把向麒麟閣上論

其二

初霰霏霏點旆旌餞君偏作薊門行  
單于馬擗前茅勁中尉旗開細柳晴  
但是運籌推蹇叔寧因結襪禮王生  
摩娑倘認燕然石笑殺曾汙漢將名

弇州山人續稿

卷之十七

十一

大倉周大夫入覲大夫以治行高數被旌薦而  
催科不及數未得奏考

江左方州禮數崇一時巖邑盡輸公陽城任拙催科  
考尹鐸終高保障功別去單車裝似葉朝回五馬氣  
如虹老夫數沃醇醪飲今日衰顏敢望紅

送崑山劉令入覲

父老謳歌擁別筵誰能借寇不朝天清心白壁看同  
瑩治行黃金賜獨偏葉縣仙人鳧遠日中牟茂宰雉  
馴年翻嫌劉寵生多事不遣行囊長一錢

遊金澤古寺

花宮一剝聳煙霏像教雖存法力微佛供可周饑鼠  
食僧雛時傍倦鴉歸尚書剩有棠陰榻承相留將藻  
火衣却咲東亭癡捨宅如雲甲第許誰非

伯玉建精舍於馨林猶子馨元百步外構室署

曰東林賦而書之

精藍法護創何年仍許東山傍謝玄屋擬鴈門呼作  
市身依蓮社好逃禪斜陽易得西歸境新月遲窺乍  
上絃從此只應寬酒戒莫教陶令廢周旋

支簡亭學憲謝病歸問訊之

清秋五嶺倦炎蒸一疏天迴玉井冰合浦採還珠的  
會州山人續稿

卷之十七

三

歷鬱林裝借石峻嶒到時韓子能驅鱷歸後支公不  
養鷹消渴已蠲饒起色可無新賦頌中興

吾郡太守朱公治行為天下第一天官卿言之

上超拜浙省大叅分理明越余老且病於其  
發也不獲從父老攀挽之後僅以一詩為贈  
明堂大計中興年蚤有除書下潁川膏雨尚留吳地  
潤德星初傍越江懸政成神雀飛還下課最金魚賜  
獨偏他日史臣循吏傳可容誰在次公前

贈蔡生去疾

老覺朱絃倍可憐那能對爾不蠅連名從元禮門中

得酒愛知章水底眠物色要搜瀛海外風流須問建安前莫誇仙骨天台易不淺丹房四十年

丙戌元日試筆

條風吹臘媚初辰六十俄驚又一春總爲書生心事足翻欣甲子曆頭新薦來椒酒顏從頰浴得桃湯鬢已銀不向青童覓如願豈煩朱紱挂吾身

李煜故徐方伯子與與僕之筆視交也膺貢

北上一詩贈之

襄南納節任居諸地下修文亦替除誰信青氈餘舊宿于今白首向公車垂鈎渭叟長嫌直結網唐家故

弇州山人續稿

卷之十七

十四

不疎主府似憐三語掾橐裝無恙萬言書

壽華湖西翁八十

一屢身事五湖南八表滯書意更耽名向白衣無可妬詩如玄酒自言甘鞋輕不染塵中跡塵禿緣深物外談姓字可知西母刻見多清夢繞吾傘

武昌劉長卿先生見訪與談啖河鮑鱸殘作

問余何事忽軒渠樂府劉生意氣餘垂老數行游俠傳居平一紙絕交書時清不救鯽生窘事往那論劍術踈偶爲海王輸俊味對君猶憶武昌魚

送申比部還朝覲省侍

畫省仙郎上帝畿春風桃李有光輝過庭轉覺詩禮  
熟休汝翻衿冠蓋稀署裏白雲封隱几山中璧月媚  
初衣似聞麟閣諸名世容得桐江一釣磯

應城陳令自貴竹枉駕弇園小宴分韻得開字

中字

衡門春色日相催况是新知萬里來綠鬢向誰談拙  
宦青雲何處覓憐才航留錦里先生泛花待河陽令  
尹開縱有唾壺那用擊與君相對但銜杯

其二

春城忽爾下冥鴻把酒論心事未窮炙日暖將花共  
弇州山人續稿卷之十七

五

媚臨波影與石爭雄孤踪汝托浮雲外百感吾殘返  
照中莫恨須臾便成別古來文苑幾人同

寄順天蹇中丞

捲朱旗正是呼韓款塞時烽火不驚刁斗  
色饒歌偏寫越裳詩雅聞茂苑棠千樹行見漁陽麥  
兩岐任使胙茅疇大國不如調鼎贊無為

送林君自江南帥入領禁兵

白麻黃帟日相聞燕領虬鬚故不羣父老爭持都護  
綬君王借控羽林軍輕舟敵浪全須石大旆凌風半  
入雲見說匈奴先款塞可容麟閣畫元勳



劉介徵司農損書及新詩見示多哭仲氏國徵  
語却寄一章慰之

閩海繚虹縱復橫  
疇堪意氣比劉生  
第驚鮫室傳來淚  
多是鷓原痛後聲  
老覺斷金差有味  
病逢埋玉不勝情  
交游豈乏鍾期耳  
莫向人琴恨未平

再寄介徵司農時家弟已定交矣

漳江天盡尺書來  
茂苑人驚匹練開  
可是已經平子目  
誰能不惜孝標才  
冥鴻失序猶堪矯  
黃鳥遷喬且莫哀  
他日單車追入洛  
遲君携手闔閭臺

壽宜興吳詹簿六十

弇州山人續稿

卷之十七

七

玉珂猶記倦登瀛  
無忝尚書舊履聲  
少日功名三語掾  
故人風味五侯鯖  
山餘瓊樹堪呼壽  
水入荆溪轉更清  
遙想畫堂文酒宴  
鶴能傳信鹿能迎

蘇子瞻學士初通判杭州過秀州遇鄉僧本覺

菴文長老賦一詩留贈其後以學士再蒞杭  
過之則文已退院三過之圓寂矣皆有詩志  
其感慨後四百年太守龔君勉於菴內別構  
丙舍祀蘇公顏之曰三過而悉步其韻一時  
諸賢和之不佞繼焉

五馬驂潭白髮中文殊已老尚呼童  
由來萬劫俱成

幻何必三過始悟空此日使君真好事當時長者不言功若同圓澤論行逕只在錢唐東復東

其二

樹杪招提郭外村端明遺偈鎮山門高僧夏臘何煩計前輩風流可重論謁罷只知詞客貴覺來真讓法王尊尚疑此話多人我何似倏然兩不言

其三

蓮社老僧隨幻去蓉城學士也難尋三髀尼地無生死一刹那間有古今不向空王拋世法却從初地寄鄉心法堂總自巍哉在還有茱萸探淺深

弇州山人續稿

卷之十七

七

再贈金山上人

鰲山今日道初成尤乞凡夫爲證明信我浮杯無剩語耐他彌勒有求名新書任作瑠雲色綺語如過黃鳥聲舉付丹霞燒像火倏然一鉢信心行

王善漁陽塞中丞走使惠餉謝之

春深一叟倦婆娑忽有材官鼓篋過始信鄭公移鎮後依然陶令酒錢多人從北斗占干莫天與南薰施薜蘿貪病愧無瓊玖報自呼如意按燕歌

徐茂吳司理解事之後三辱過存投贈新詩迥絕輩流汎瀾衆體逾自斐然庶幾不孤黃海

授衣之托矣聊報四章以志區區

才脫青衫便自由五湖煙雨足漁舟居然隻字歸風  
雅別與微權傲勝流有酒可無桃葉妓移家須傍藕  
花洲長安達者應何限不爲悲吟也白頭

其二

憐君落魄走詞壇白帽青鞵紫籜冠探得驪珠誰比  
價握將牛耳不論官流言似與湖山會失意翻騎天  
地寬莫怪老夫兒態發時時綺色到蒲團

其三

屈指歸田事事真可從時態怨沉淪天留歲月私黃  
奔州山人續稿卷之十七

十一

卷我自春秋得素臣若下但寬賒酒處沃洲何待賣  
山人逢君且說奔中好莫遣梁間一榻塵

其四

江左諸徐不乏賢菽城接武廸功先還驚天上麒麟  
骨載觀洲前鸚鵡篇拙似君苗思毀硯老逢鍾子重  
留絃莫安漁父無人妬儘自能操物外權

助甫中丞解夏州節候次新蔡里中得二律寄  
之

夏州城北赫連臺東望燕雲黯未開總爲中丞初解  
節還因父老一傳杯金城鬱作千秋壯玉帳殊深萬

族衰最是

君王空拊髀可能偏借異時才

其二

解組歸來樂自餘胎簪桐栢繞君廬依然上蔡東門  
獵不害中山滿篋書萬事總輸文苑在百年難共酒  
人踈老夫丘壑差無恙好為相思一命車

送楊司理被徵

清白關西代不衰風猷吳下去還思生平自是無三  
惑暮夜何煩有四知明主自傳青瑣鑰舉朝爭誦皂  
囊辭莫談江漢垂綸叟十載天容一壑私

張將軍要余與沈令尹潘林曹三子駿兒同汎

舟州山人續稿

卷之十七

九

海時風日清美頗窮勝槩樂而賦之

天鷄喚白曉雲和歷歷帆檣鏡裏過羽扇徐揮散鷺  
鸕石梁初解辦鷺鷥迴風疊鼓渾疑近映水橫旌轉  
覺多應有越裳來貢舶祇今猶自不揚波

其二

空青一片引牙檣不遣乾坤屬混茫風伯挽波迴碣  
石日君排霧上扶桑承平漸偃千烽色轉餉曾飛萬  
庾霜任使興公心境雜也應安坐聽鳴榔

月夜與張將軍及諸賢合飲海舶即事

暝色蒼然迥自開舵樓殊勝妙高臺燈如列宿藜空

出樂似鈞天饗帝來忽捧驪珠霞漱灩乍驚鰲足水  
澗洞老夫大有揮毫興欲嗣玄虛愧不才

其二

萬頃清光溢建牙孤城隱隱送悲笳真人自穩凌風  
葉使者頻窺貫月槎急下酒籌綠舞舞柘繁敲羯鼓爲  
催花不須指點蓬萊境回首人間便可誇

卓漱甫光祿邀汪司馬及仲季諸社友大會西  
湖南屏選伎徵聲分韻賦詩伯玉以高字韻  
見寄俾余同作得二首

一時江左擅風騷遂使湖山應接勞花塢亂扶卿月  
舟州山人續稿卷之十七

二十

上算門孤掩客星高縱呼陶令愁難入不學蘇生醉  
始逃若問傘園佳勝事儵然坐對一方袍

其二

秋半南屏景更饒六橋新水碧於醪社中名勝推三  
雅謂司馬叔季也湖上詩篇鬪兩高謂南北二峯客重王孫驕自  
得操成司馬興逾豪非緣彥輔書生語老去風流付

爾曹

爲王光祿賦白鸞

不向殘陽逐倦雅暫依新月隱梨花玉關霜被將軍  
領銀剪春裁浣女紗玄鳥色移新臺社鳥衣名改舊

王家令人轉憶昭靈閣曾覩瑤釵壓鬢斜

顧進士懋善令閩之甌寧

別酒吳江更一卮與君聊說宦遊奇  
七閩山翠偏誇勝十月林紅正弄姿  
渡憶驂鸞仙吏好山逢靈鷲宰  
官慈莫貪煙路鳧飛近且漫看雲度武夷

丙戌仲冬五日為余懸弧之辰與敬美弟及子

孫小飲得一七言近體

今年今月有虞世此日此時生  
甫辰世間甲子粗已足  
曆尾支干仍換新詩書馥郁見三代  
骨肉都盧完十人莫愁玄冥鼓朔氣  
自許紅友招青春

弇州山人續稿

卷之十七

三十一

丁亥元日即事

今歲元正大陰晦兒童寂寂收笑喧  
已無雲物媚清旦祇有雷電搖黃昏  
老慵不作畫鷄帖病廢何知白虎樽  
嗒然匡坐了吾事莫教剥琢驚柴門

題陳方伯玉叔天尺樓

高樓去天只一尺韋杜城南那許同  
倚檻星河翻下界捲簾閨闔吐岡風  
自憐王粲登臨嬾不怕陳登意氣雄  
爾道神仙好居此劉郎并幹委秋蓬

寄宗良國尉

江水輒輒無限聲接天風雨豫章城  
俱傳子政為親

累不擬文休入弟評朱戶蓬蒿添傲色清齋橡栗助  
饑鳴蒲團欲擲人間世却為交遊感慨生

二月三十日清明又唐初晦節

二月已破三月新清明節晦來爭春堦前萸莢落不  
惜陌上桃花嬌自親分無久住世間客何用悲他泉  
下人帑錢拭罷枯淚眼長有殘酒呼西鄰

沈同守過我山園要常廣文陸太學共集頗極

登汎之樂沈以四咏見貽僅酬其二

海上三山未敢云滄浪一曲若為分座頭白恰狂司  
馬船尾青氈醉廣文驚網巨鱗時自閃坐林幽羽數  
弇州山人續稿卷之十七 三

相聞莫疑桃李多生態總為春風屬使君

其二

老夫仍葺浣花莊判得山僧半日忙太學諸生誇金  
舫江州刺史喜留觴

沈君携所醞  
淳醪續飲

藤蘿挾暝羣峰壯

蘭芷將風一水香誰為高樓題八詠只今猶是沈東

陽

臨淮徹侯李君知六軍事賦此寄賀

將星今旦耀中階軋軋推輪出禁槐銀管細書穿月  
嘔金吾妮隊擁天街異軍偏號蒼頭子別校多騎白  
鼻騮見說朔方新氣色只今還是李臨淮

周進士移居賀之

周郎江左舊名流  
况逐烏衣諸從遊  
通籍已分金馬地  
移家全傍玉峰頭  
門前閭字開三徑  
坐裏看山傲五侯  
最是後庭瓊樹好  
一枝仍報郟家秋

弇州山人續稿卷之十七

弇州山人續稿卷之十七

三

五洲景長終莫擬  
倚杖一林外  
辨松寒林

此詩全全  
王譽  
門前閭字開三徑  
坐裏看山傲五侯

風神  
五洲景長終莫擬  
倚杖一林外  
辨松寒林

周進士移居賀之



舟州山人續稿卷之十八

吳郡王世貞元美著

詩部

七言律

壽邢封君

甲子重開十六齡，祥鸞為德鶴為形。  
諸方衲子俱稱佛，一邑嬰兒半姓邢。  
雅有金緋歸視膳，即看蘭玉盡充庭。  
試論南極稱籌者，也是江湖老客星。

送袁子年守青州，蓋僕三十年宦游地也。曾題

詩刻石雲門山，侍御毛君近為亭覆之。

舟州山人續稿

卷之十八

曾憶東方千騎尊，羨君仍擁五熊旂。  
城西澗水能為酒，檻外雲山可作門。  
避舍蓋公應自好，觀風季子欲誰論。  
如聞臺使登臨地，洗石重拈舊墨痕。

送石阡守陸

橫金被紫拜新除，官好何妨萬里餘。  
狔狔衮衣仍諱鬼，咨陬入饌解名魚。  
石田雖瘠堪供賦，齋閣長閒好著書。  
却笑鬱林先太守，虛將壓載累舟車。

送撫浙溫司馬入佐大農

大真名董許誰如，况是追鋒有召車。  
全越已收文種治，大農能廢計然書。  
皂囊膽落傳應久，白屋神交意

不踈欲買豚肩趨道左恐煩軒冕狎樵漁

張左虞都尉故與余善每過舟中風流謔浪飛

白無算余猶以酒客鹵莽遇之後稍出其詩

余稍稍稱善然不覺其具也及集成而丐余

爲叙因賦諸友篇左虞僅居四十人之一耳

去年左虞死余不能往弔以香帛寓之而無

主喪者孟秋之朔偶攤書出矚於散帙中探

得他詩讀之不甚快最後一卷極清新麗雅

之致句字有力格韻不凡而忘其誰作以集

考之則左虞製也不覺失聲而泣吾愧鍾子

舟山人續稿

卷之十八

二

期多矣遂成一七言律而會其子授官奔喪

歸并書諸友篇寄之俾焚於棺所逝者有知

將從夜臺沽酒三叫稱快余亦可以無憾稅

林矣

都尉頻過白接離酒酣時自覓鍾期雖成玄晏先生

序夫表邯鄲幼婦碑豈爲鑿鑿寬自狎還從鑿落誤

深知今晨散帙初開眼大雅中典定不疑

陳僉憲文送按節彭城故人子曹生上謁賦此

寄之

八月漕河正穩流此時賓從在黃樓重扶十載乘驄

色與續千年戲馬游門爲通家收北海客因長揖禮  
曹丘酒闌倘及江南事留得微星傍女牛

有所聞作

藥鑪經卷日從容愧殺微名溷九重豈爲禁林需左  
馬偶然宗伯讓夔龍霜秋不耐芙蓉老雲色依然薛  
荔封自是五更眠更熟可曾聽到未央鐘

其二

聞道弓旌及隱淪可緣真遇愛能入虛云展氏曾三  
黜其邢王尊僅一身昔藉摠肥沙寒晚桃花無恙武  
陵春欲知元亮籃輿意畏踏丹陽郭裏塵

兪州山人續稿

卷之十八

三

餞右伯對滄王公之浙藩於西泠劇思西湖之

勝因成二章送之

婁子城西楓乍肥使君軒蓋有光輝行從父老攀青  
雀坐引湖山入紫微兩地摠深吳會福一溪偏失杜  
陵依相思夜雪湏乘興棹到錢塘未肯歸

其二

長公公事了西湖能勝于今右伯無車怠卽時烏帽  
榜罍乾隨處酒家胡人豪摠並推昭代物色應湏問  
老夫好憶羣賢臨祖日牙璋萬隊出姑蘇

送陳郡丞履入爲戶部郎君凡兩丞吾郡矣

上佐重輝澤國鄉中朝新拜地官郎逾深竹馬他年  
意不改銀魚舊日光奏計有人賢尹鏗采風何議難  
弘羊臨岐更拭垂枯眼爲有閭閻淚萬行

顧尚璽名世八十壽言公有二子美而文

肯學馮郎老漢曹蚤知陶監掛官袍篋中旃旒餘雞  
舌池上叅差長鳳毛奇石數拳心並古清商一部興  
彌高閒來却笑非熊叟卽使垂竿也自勞

過喻使君邦相郡齋與其尊大夫八十翁四孫  
及通家余子小飲有述

十年刺敝長清狂懸榻傳呼已下梁何忝朋車仍向  
弇州山入續稿卷之十八

四

呂別從文苑得龔黃筵中鳳有將雛曲膝下龍傳上  
容觴不爲老夫踈筆札欲標高榜德星堂

喻太守邦相及陳丞李司理邀飲顧園作

初從窈窕轉深幽忽敞中天與目謀傑構時時撐碧  
落迴廊面面俯清流涵星淺藻催浮動入雨踈筠佐  
唱酬不道使君容阿敬豈應單爲辟彊留

過太宗伯徐公作

舊標通德宛如斯屈指登堂十四期不爲龍門孤轉  
峻自緣狐性老多疑談深忽出憂天語病久方知荷  
帝私試捩霜髭兩相問于今得似秣陵時

徐太宗伯歸有園留宴作

曲檻迴廊斷復連，疎花奇石巧相緣。  
衡川屋裏千迷道，忽入壺中小有天。  
暎架青藜寬自讀，開尊白墮許吾傳。  
丈人門逕今粗曉，時擬扁舟問草玄。

潘方伯邀游豫園

豫園長日鎖蒼苔，爲我聊懲鳥雀驕。  
碧沼靜能涵象緯，朱甍高自割烟霄。  
嵯峨玉聳栖雲岫，宛轉銀題上漢橋。  
却笑閒居先散騎，枋榆三尺也逍遙。

顧尚璽伯仲東西二園今併爲一然主人老病  
燕不治矣信步一游志感

弇州山人續稿

卷之十八

五

舊識何家山，大小漸來併。作一山深主人稱，病掩關  
卧園子偷閒，無處尋墮石。將藤全失徑，窺堦迸筍別  
成林。亦知陵谷湏臾事，徙倚能令百感侵。

游潘顧諸園畢自題弇園

踏徧名園意未舒，大都京洛貴人居。  
穿錢作埒難調馬，縷石鋪池礙種魚。  
似比幼輿輸一壑，轉令元亮愛吾廬。  
興來呼得尖頭艇，煨蟻烹鱗信所如。

廣州朱提舉以歐楨白虞部書及詩至却寄

客星三載出姑蘇，翹首南雲思轉孤。  
忽爾羊城逢使者，頓然鮫浦至明珠。  
篇章意氣差強在，齒髮神明可

係無君道丹砂勾漏好倘能分貶及凡夫

過吳太學新園賞菊卜夜作

門外軒車若水流能虛要地結清幽連峯半隱嵯峨  
閣高而山暗屋中穿窈窕溝銀燭媚迥黃菊暝綠  
小故云

窻驕借翠筠秋狂夫丙夜猶呼酒寄語陳遵轄慢投

虎丘西僧房晨訪曹茂來居士山閣小飲

竹逕通幽信短筇山樓忽做得從容殘霜墮木青仍  
在旭日披雲紫漸濃香積總饒居士飯東林翻厭遠  
師鐘逢君更自寬拘束一盞雙螯喜殺侬

慧山東園爲王光祿家物余再過之矣復以與

會州山人續稿卷之十八

六

比部曹安二山人曹王二太學一游卽事有

述

三過王園興轉新爲貪幽景豈關人蒼苔印鹿尤堪  
賞古樹啼鴉也不嗔自有真山當北戶任他流水入  
西鄰翻騎履道林中竹總好還沾京路塵

華太學邀過鴻臚卿王公慧山西園景物尤勝

麗與俞比部曹山人同賦

屐齒何妨細雨過主人緣客治巖阿朱樓有勢爭霄  
漢綺樹無心長薜蘿疊石巧當山色闕分泉別取水  
聲多編錢故是王家埒喚作舂中柰我何

疊前韻奉酬徐宗伯見和之作時公有書勸駕  
詩尾亦及之

三見成陽哭李斯一歸東海十成期毋論啓事人堪  
笑忽得除書已亦疑野性雲霄終自淺 主恩天地  
欲誰私縱令伏櫪雄心在猶憶羊腸蹀足時

疊前韻和徐宗伯歸有園見和之作

青樽小語夜留連重結金門隱吏綠密竹似調絃上  
雨疎萍欲點鏡中天功名兔死吾甘薄姓字雞林爾  
任傳無那谷神新有解從知不愛子雲玄

非真有直欲從君  
耳壯玄之句故云

公押玄字  
懸知歸有

龔州山人續稿

卷之十八

七

答汝寧張助甫中丞

歲晏崢嶸有鴈飛中原音信未全違青山快意無南  
北白首談兵有是非休汝不妨車騎簡過淮殊覺友  
朋稀莫疑江左除書下依舊菰蘆一布衣

三疊韻徐宗伯勸駕之作

老衰那敢信吾斯才拙寧湏用可期蕭颯峨眉應少  
妬囁嚅雞肋反堪疑命如侯白聊稱厚身學楊朱祇  
自私聞道漢廷新禮樂知公不忍負清時

三疊韻和徐宗伯大士齋韻

輕世那能似魯連祇因貪結海山緣偶逢居士論初

地却引私陀禮梵天白馬東來無法授青牛西去有  
經傳但教心境長如水不礙真如不礙玄

戊子元日試筆

巖城爆竹鼓統統屈指新晨六十三小爲祝釐違野  
服將無改跡戀朝簪羣兒椒酒雖全却小塢梅花或  
可探

時余以齋日戒飲

出處浮雲無定所肯容時趣入終南

同年韓令君百谷齊之諸賢邀餞勿于館分韻

得雲字

社中諸僑摠能文况復柴桑有隱君十載空林成獨  
往一宵清晤又離羣拈來小草誰偏愧賦得文無也  
弇州山人續稿卷之十八

八

愛聞稍喜吳門如練色不妨猶挂秣陵雲

徐叅議邀游東園有述

君是當年徐湛之一時風尚在園池輕籃出沒疑秦  
嶺小艇廻沿似武夷漸入深崖青窈窕忽排連岫玉  
叅差不知處處梅花發羌管猶煩特地吹

咏徐園瀑布流觴處

得爾真成煉石才突從平地吐崔巍流觴宛自蘭亭  
出瀑布如分鴈蕩來片玉挂空搖旭日千珠感水沸  
春雷醉能醒我醒仍醉一坐湏傾一百杯

奉要太宰袁公抑之過天界寺



大司寇陸公與繩後至談讌梅花古松下作  
隱囊紗帽對傳卮宛似袁公步屨時屋後梅花堪爾  
供庭前柏子是吾師從知矯鳳冥高漢偶爲將雛遶  
故枝言向士衡詢往事語來無那夕陽移

王太僕公漢上之別垂十五年矣讀公全集見  
寄見懷之詩凡十餘章而不盡達賦此謝之  
貞之誕辰乃翁登第歲也

北海風流一代賢襄陽耆舊許誰先揆余初度懸弧  
日正爾公車射策年敝刺姓名勞齒臆空染顏色借  
詩傳舊文垂盡觚生老唯有靈光獨巋然

弇州山人續稿

卷之十八

九

游靈谷寺

寶公靈骨未全瘳寶地金書特護持塔從摠輸龍蛻  
處錫飛寧復鶴驚時初寶公與白鶴道人爭志栖止  
處公以錫道人以鶴鶴至其地  
欲下聞錫驚而去公遂得之琵琶街畔疑天鼓舍利輪中表物儀  
却恨貂璫諸貴在不教披薜讀殘碑

夜與諸公飲大雄殿前庭銀杏下得月有作  
平楚蒼然暝未開暫依高樹共徘徊一珠陟自中天  
湧萬象紛從下界來微飢不妨呼米汁晚叅何幸傍  
經臺諸賢不置支公坐寂默誰窺許椽才

陳先輩以佳章見投報贈一律

南州一刺許登堂白下于今是豫章古調自來歸伯  
玉高名當復比元方家藏敝帚慚難薦客有明珠喜  
欲狂豈爲西臺多列栢看君字字挾風霜

主人送太宰楊公考績北上

尚書舊績優三禮太宰新銜冠六卿此去物情推簡  
要向來公望在寅清都人踴臂迎車轍天子臨  
軒識履聲倘及鳳皇臺上色只今猶自暮雲橫

公子同羣公宴徐氏東園二首

君王舊賜青溪曲太傅長留綠野堂歷亂峯巒挿雲  
漢縱橫卉木盡文章芳樽再展憐春色畫舫頻移媚  
弁州山入續稿卷之十八  
夕陽不是羣公仙骨在蓬萊咫尺杳茫茫

其二

公子名園闢向東至今池館尚稱雄朱甍忽聳雲端  
鶯銀榜遙縈水面虹爲許漁樵開辟逕且將絲管付  
松風信陵虛有夷門地指點蓬蒿說魏宮

過徐錫衣西園二首

主人如解子猷來三徑春風許暫開百種花名鬪金  
谷半空松勢壓徂徠飛觴倒入水壺影訪蹟徐披石  
鼓苔行到溪山漸窮處隔垣雲色隱高臺圍之後別  
有圍鳳皇

臺在  
馬

其二

丹崖軟草籍金鋪翠壁繁花帶綺疏忽覩漁舟穿薜荔纔知魏闕有江湖枝頭烏語聽仍失竹裏雲生看却無謾道弇中應更好老夫隨處且盧胡

飲魏公南園作

甲第芳園冠帝京上公高宴聚星卿球場地貴堪金埒幄榭花繁似錦城按舞別呈迴鶻隊吹簫俱作鳳皇聲莫將泉石輕爲品曾覩先皇帶礪盟

同鄉諸君宴朱王孫同春園

朱邸王孫取次開鳳臺西去有歌臺池從漢苑天潢

弁州山人續稿

卷之十八

十一

借嶺載齊宮碣石來倦鳥似驚茵上舞殘花偏愛掌中杯不知懽極髣難醉翻恨城高暝易催

湯比部磨內翰邀同少司徒方公游徐公子萬

竹園時主人以疾不見

莫嫌張薦解辭賓有例何曾問主人客比七賢差恨少侯同千竝未言貧琮瑀別寫風中韻峭蒨平添雨後神但醉逃禪潭亦得已公蘭若是西鄰

趙司成邀同王光祿賞王貢士園芍藥前是已

醉牡丹下矣芍藥尤盛麗可愛賦此與之

四月王園醉牡丹仍逢芍藥擁朱欄毋論百種俱爭

媚爲殿羣芳且細看諠浪古時傳消水風流今日冠  
長干莫將傾國虛相讓誰似霓裳舞玉盤

端陽後一日薛鴻臚邀宗伯二司寇司農游武

氏園卽事

偶值幽園字辟疆羣公多暇此傳觴蒲香可是餘端  
午竹色將無勝洛陽僧眼細分紅葉水小池通御溝水仙踪  
深掩白雲鄉有樓奉仙修甚秘莫愁歸騎天街曠新月紛紛

已過墻

雨中過姚氏故園與周公瑕張幼于詹東圖戚  
不磷得春字時公瑕舊游之地將五十年矣

弇州山續稿

卷之十八

十一

但許清游不厭頻姚園雖故客懷新雨聲立散千家  
暑天意初迴萬井春別島過雲濃潑墨平溪感水細  
生鱗沿堤大有金城樹總是周郎暗愴神

魏府三錦衣北園同方司徒宴游作

青山遠自鳳臺分

山石自鳳皇臺園移致者

叫窰透迤迥不羣行

處蒼虬時一攫坐來黃鳥數相聞疏成曲沼因藏月  
別起高樓擬借雲若問主人何所似魏家公子信陵

君

武定侯故邸竹園

碧陰如帶擁琅玕閣靜潭澄五月寒淇澳雨餘添峭

情夾池雲起助團樂前朝金穴恩猶在

謂翊公勛也

貴主

妝樓蹟已殘

先朝都尉鎮尚永嘉大長公主

見說侯家千畝賦可因

郵使報平安

諸公會趙中貴園

西華西去有園亭爲客高樓日不扇檻外四收吳苑  
綠杯中一送蔣山青溝從太液寬分潤席倚微垣好  
聚星莫笑貴人艱粉黛只今姚魏未全零

過故姚大名留飲有贈

十年襟尚一樽同剩有東山且付公茲日白門歸傲  
吏爾時青鬢試扶風歌殘伏櫪心猶在語到真乘境  
弁州山續稿卷之十八

始空

與君談釋門頗暢

翻恨夙生餘習氣併將詞筆叩文通

大司馬陰公出扇索書近作汗蘭之後復得一

律博笑

尚書自是岷峨英四始究極八法精嘖然授以白團  
扇顧我要寫金陵行分無名筆嗣子敬可有秀句酬  
陰鏗尚有寵光置懷袖或使清風習習生

張幼于兄薄游金陵過從甚數忽爾告返聊成一

章送之并寄長公伯起及韓令

愛汝名隱復名通片言能生四座風長于花月正眼  
底石湖雲樹來胸中烏還久矣陶彭澤禽戲翛然張

長公我自東山幸無恙不教猿鶴許相同

徐二公子邀與陸司寇吳司空游東園

六月冰壺生畫涼侯家池館勝平陽樓頭霽色開鳩  
鵲臺上新雲似鳳皇客詫郇公厨味好人驚衛尉廁  
衣香不煩投轄深相挽小舫青油繫綠楊

王丈太僕得余前寄詩輒步五章見報敬疊奉

謝并懷賢從故侍御

冠盖章華光昔賢郢中春雪敢爭先烏衣借我稱宗  
老白首逢君作少年才大百篇翻更健名高一字也  
堪傳猶殘小院前朝事說着那能不黯然

弇州山人續稿

卷之十八

十四

詹東圖內翰遷吏部郎移舍過題園亭

新佐天官領百司可如供奉玉堂時向來仙骨應俱  
羨此去冰心祇自知衙散圖書周四壁亭虛花竹隱  
三垂墻頭一片鐘山色好是長吟謝眺詩

送林戶部敬夫出守雷州時敬夫以詩留別

花封上考旋浮沱粉署陪京更滯淫晚得郡符聊解  
擯可從文苑覓知音三刀不獨方州夢十里還成到  
海吟莫向雷門疑布鼓遠臣今繫聖皇心

其二

五馬雖榮未足酬白門郎署少風流慚無啓事同新

沓薄有詩篇答播州

謂薛道衡也

在宥摠偏雷電至不揚

那為海渡愁貧泉便飲難移念廉石將從壓載留

壽內江鄧大夫弟為中丞公子為麻城令

五馬拋來步峽雲一珠收得媚江濱居依華萼知難

弟

地有華

官有甘棠識使君懷縣綵衣遙似火鄧林

瓊樹盡千雲還將御史臺中相釀得長春酒易醺

趙高郵來亭以詩寄懷并示新集有答

晏容甘薄猶存秩大阮雖歸別有官健癯早拋牛斗

郡

高郵為牛斗分

半生長着鹿皮冠酒如彭澤時愁到家並

巨廬好鬪寒所幸知音晚途在朱絃流水不空彈

弇州山人續稿

卷之十八

十五

約周公瑕隱君湯沈二比部表右軍陸山人齊

王孫游清涼寺阻雨不克登臺小飲方丈作

衝雨無繇叩上方一尊聊溷遠公房坐來薜荔時添

潤齋罷茵陳尚送香未借文殊新色界從呼冠達古

翰王

清涼為文殊道場又云是梁武故苑

諸賢蟻屐知無恙天眼應為

取次償

哭弟後得李仲子能茂損書及古近體六章病

甚勉酬一律

傷心萬事一身孤名盡猶堪借子無任使暗投毋按

劍那能逆旅便酬珠將苞日彩終巢閣欲血霜蹄好

過都見說胡郎詩數就龍門咫尺在菰蘆老瑞著詩  
藪成李與

贈袁履善長史同年

霜髯此日圖碁叟綠髮當年同舍郎出僅一身何假  
鍾行逾千里不齎糧未論緇素皆親屬才得湖山卽  
故鄉似爾蕭疎吾亦易檻猿籠鳥更茫茫

履善先生以二詩書扇見投報之

紈扇詩題字字新秋風一展一含慙少陵難字將輕  
過楊子方言未易論覓句祇應天外得知音誰解曲  
中真芙蓉縱有天然色欲報寧無按劍人

龔州山人續稿

卷之十八

十六

送路大夫自司農部出守鞏昌

爲裘舊識名家子製錦俱推大國工十載簿書秦主  
計九秋旌節漢扶風裴公湖土呼青雀諸葛營頭度  
畫熊但使卧思清淨理何煩問道禮崆峒

博羅張子孟奇通春秋以文名嶺外久矣今年

秋將偕計北上薄游南雍出所業贄余俄爾  
言別挹注之情黯然對深時趙少宰有二律  
送之余亦次焉

白門喧鵲勝啼烏客有張卿美且都早日羅浮占紫  
氣爾時南海至明珠應徐欲盡吾真老藉湜能來意



未孤不獨天人三策就春秋繁露似君無

其二

雞鳴山翠鬱嵯峨得一龍門便已多平子兩都仍賦  
草曲江千載更賢科春風拂坐堪余主秋水浮槎奈  
爾何若向翹材館中問掃廳承相待誰過

吳三臯倩應試金陵以通家子來謁得見新文

賦慰賞之餘走筆爲贈

車門一入通家刺遂有芳颺滿坐迴驥子汗從千里  
見鳳毛文自九霄來清標已足誇庭玉大賦真誠辨  
楚材而父向衰吾已老郟枝須傍兩家開

弇州山人續稿

卷之十八

七

八月十六日携酒高坐寺同郭道人次父王山

人承父孫山人齊之徐司理茂吳鄒學憲彥

吉梅茂才禹金凡七人分韻余得南字

鷺宮高踞鳳城南半入杉松暝色酣杯底應徐無俗  
韻坐中殷許有清談新蟾似尼嚴譙漏倦鳥疑催俗  
客驂蓮社故應饒野服竹林吾總愧朝簪

贈池州趙司理時君以棘事入都過訪

入門相見便呼奇大覺風標勝昔時才讀永州司馬

記又吟楊部法曹詩

君見寄所撰池州郡圃記龍門已復示棘中倡和數十章

目我能無愧牛耳期君定不疑忽憶彘中何所似三

春楊柳最青枝

丁休寧以棘事過金陵見枉有內子之戚思歸

慰留之

徹棘寒花久自黃留君小住亦無妨  
摠然葉縣能飛鳥其若河陽有悼亡  
得句且寬身外事消憂爲發酒  
中狂只今循吏兼文苑屈指何人與鴈行

送湯比部捧元正表入賀時青瑣十年矣

錦吹牙旌捧傳軒千官鵠立賀正元  
十年供奉銅龍署今旦傳開白虎樽  
共羨使星人是法母輕秋省室  
曾溫知君蒿日多紆畫爲借椒香奉至尊

舟州山人續稿

卷之十八

十八

登盧龍山在觀後云晉中宗所名

琳宮寂寂掩玄關列栢層層徑可攀  
似聞司馬江東日分得盧龍塞上山  
萬雉低昂朝旭後千林出沒午  
陰間欲問閩江樓記處露臺元自惜  
民艱

二劉宮庶宮洗主試南都并贈一章

恭承嘉命簡時髦水國聯翩宮錦袍  
並係豢龍劉累氏同爲相馬九方臯  
三山劍色雙牛斗六代詞華一  
羽毛識得挽回淳古意不妨疏越爲君操

金陵署中乞骸杜門辱亭如吏部寄詩有答

寒乞金陵老病身忽傳芻律轉陽春  
句如古郢辭中

雪名是西京賦裏人世眼也知尊白壁水心知不染  
紅塵奕碁故作長安地萬事能令局局新

壽秀水陳君

君有子以南御封君以九江守有傳

曾觀如綸施薜蘿豸冠鶴鬢未蹉跎一驄聊為行春  
出五馬新從戲綠過銜嶺近知游屐易瀟湖寬問酒  
船多太丘庭院無多廣羔鴈紛紛柰爾何

陳先輩子卿大宗伯公子也美秀而文亡弟太

常有拂拭之契訪我白下論詩契合尋上公

車飲而贈之

一展新詩過所聞盡傾家釀為留君由來閩士思常

拿州山人續稿

卷之十八

十九

棗只合陳家有長文毛自鳳池成五色汗從龍種失

千羣他時太史占祥地可憶金陵日暮雲

步魏公西園小酌時公已捐館矣

魏國層臺插絳霄西園飛蓋引和颺披崖競綴黃金

粟傍水爭抽白玉條春至管絃先鳥啣秋歸紅粉後

花凋唯餘一掬羊曇淚併入風光賦大招

倪駕部船政為十世利太宰紀錄且有特命而

僅守撫州於其行得二律勉之

戈船報政一時新上考書封迥絕倫僅將內史酬康

樂

康樂為臨川內史即撫州也

誰為東吳借寇恂

吳守闕爭欲借君不得

行

部德星毋厭數勸農春雨不愁貧若語進賢應上賞  
于今魏相許何人

其二

如雲五馬赴專城朱雀桁西多頌聲寧論漢省爲郎  
薄祇覺山公啓事輕華蓋峯頭寬露冕清風閣上好  
題名見說黃金賜循吏不須惆悵羨班生

君家若水  
錢班大理

事

弇州山人續稿卷之十八

弇州山人續稿卷之十八

二十

公命長蘆黃金照許吏不厭剛非文雅於  
龍鳳嶺山公種粳蠲華蓋峯隨京觀黃龍  
吹雲正滿長真越未嘗淋雨交醴灌寧似燕台

其二 弇州山人續稿卷之十八

千金腰膝袖肘入上

將時星母厭數勸農春雨不愁貧若語進賢應上賞

弇州山人續編卷之十九

吳郡王世貞元美著

詩部

七言律

巳丑元日卽事

嵩呼初畢捲朝班轉入玄宮松栢間  
北憶青陽開左个南瞻紫氣滿鐘山  
屠蘇却借官官榼冒絮聊温野客顏  
卦數巳周成底事不如酣卧掩柴關

御花園

危亭藻井鎖芙蓉鎮日烟雲裊自封  
奇石翳藤疑伏弇州山人續稿卷之十九

虎古松撐漢欲成龍金盤有露懸孤掌  
玉輦無時下九重擬向前朝詢舊績  
白頭中貴好從容

三疊韻答太僕王翁

從肩輿中得之中一韻顛倒不能正也

三楚騷壇獨汝賢五朝流輩讓君先  
名緣洗耳逢人說句自從心以後傳  
荏苒可忘辭印事依稀垂及杖朝年  
恠來百戰難爲敵才接前茅已索然

贈李太學

鬚鬢猶鬢眉口疎宛然名下果無虛  
揮毫處處供人賞閉戶時時讀父書  
白下陰何看漸少松陵皮陸近何如  
老夫縱酒猶頑健只是無名可借渠

蘇侍御漢傑還自按滇舟過龍江余與太宰楊  
公候之不得却寄一首

故人分手惜居諸幸是天南鴈不孤益部使星知久  
動江頭仙艦未堪呼碧雞金馬曾題否洱水昆明可  
沉無一字飛章通 帝坐至今霜色滿 皇都

同鄉楊太宰吾宗少廷尉路戶部沈比部袁叅  
軍王司訓會飲趙中貴園亭分韻得風字

貴人樓閣上摩空躡屐携觴事未窮牆柳似分西禁  
綠庭花欲北上陽紅客從吳苑偏鄉語詩自延陵辨  
國風莫笑老夫豪興發依依新月鳳城東

弇州山人續稿

卷之十九

二

徐九公子園亭卽事

粉竇斜通宛轉廊壺中山水待長房輕雲入坐籠朱  
閣小雨將歌逗畫梁客重不虛公子席花嬌欲施令  
君香已教晝漏遲遲報猶自貪聞子夜長

游徐五公子金盤李故園

戟門垂塌徑微荒猶詫中山異姓王

堂榭壁聯俱錄  
中山王語

地遠禽魚偏得性年深檜栝不成行沉沉隔塢藏朱  
舫宛宛流杯出粉牆醉撚霜髭還自咲可堪闌入少  
年場

坐徐四公子錦衣東園中樓卽事

別起層樓

踞露臺諸峯環列似與儼窻中塔捧金輪

出

報恩塔輪當窻

檻外神驅碣石來

庭中一峯秀偉爲諸峯冠

茵菖華燈

疑夜日柘

枝繁鼓似晴雷主人不作元龍簡下客慚

非草賦才

游徐四公子宅東園山池

侯家樓館勝神仙况爾烟巒四接連平臨絕壑疑無地忽躡危梯別有天虬洞轉深能暝晝魚波競皺欲頽淵支頤政爾耽幽賞無奈笙歌引畫筵

送大宗伯姜翁考北上

津人伐鼓榜人謳爲送仙槎犯女牛報政遠追師尚弇州山人續稿

卷之十九

三

父賜車差次富民侯朱顏色奪官袍曉華髮神凌海鶴秋倘遇 君王問綿叢可能聊爲漢廷留

寄荅邢子愿先生子愿有詩似快已之得歸而

尚有憂讒畏譏之意故云

河朔風流邢子才紫衫拋得似黃埃愛他陶令歸能賦嗤我何公去復來試看海鷗誰不下但逢秋隼任相猜欲尋後會知何日珍重清洋醉裏杯

再游鳳臺園

平臺寂寂隱長堤羞聽輿歌及鳳兮二水三山那在眼病梧衰竹不成棲芟藤詰曲通新徑洗石摩娑見

舊題翻恨大言唐李白令人疑殺白門西

李臨淮竹園

李侯高館逼雲孤翠竹彌空赤日無一自六師煩受  
賑不妨三徑久從蕪清商似逗黃金縷上客曾誇碧  
玉壺喚作長矛三十萬紫微詩調似官麤

游徐氏莫愁湖故園

翠輦無際歷明眸贏得湖名古莫愁過雨欲移花外  
徑斜陽爭漏竹西樓曙祗別主無拘束語鳥驕人有  
唱酬長取斷橋三兩柱也堪將繫采蓮舟

贈南陽孔炎王孫

弇州山人續稿

卷之十九

四一

中壘 高皇七葉孫一時文采冠諸昆時凭漢閣青  
黎杖不讀淮王鴻寶言立壁圖書無長物傳經父子  
有專門祇應奇字輸揚叟憑仗雙鴻海外論

戊子秋宣城梅禹金與其從叔季豹相過從頗  
數今年春禹金之從弟子馬來出其詩見示  
更自斐然於其行得一七言律贈之

雙頰微頰髮尚鴉比它羣從更高華從誇荆地人人  
玉不及梅家樹樹花舫底歌聲牛渚月袖中詩草敬  
亭霞惟憐樂府新翻調強半春風飭俠邪

寄贈同守王公爲族孫泰亨請也



爲問吳中賢半刺牙緋新着 主恩深春風總是長  
依憶暮夜都無可卻金見贈度刀時出匣親裁召樹  
已成陰莫疑門下諸生頌強半酬知一片心

贈故將軍劉忠父

劉生慷慨古來聞豹隱深冥鶴在羣乍見灞陵逢醉  
尉不甘南部弄叅軍籌邊欲借青油幕倚醉狂書白  
練裙莫以塩車輕病骨膊間猶長五花文

考績至淮聞有大司寇之 命便道抵家即事

有感

移官賜沐 帝恩私展轉翻成觸緒悲蒿日長傳鴻  
弁州山人續稿 卷之十九 五

鴈句棘心愁聽鶻鷁詩空矜畫錦東歸日况值宵衣  
南顧時八坐縱榮那足羨秋風不貸鬢邊絲

其二

文犀爲帶鶴爲衣共詫尚書天上歸華髮鏡中差自  
狎故人杯底驟成非賢昆玉樹枯來久病婦釵荆長  
亦微最悔靖廬三五步蒲團恰好讓蟬蟻

明卿自楚馳信相問云秋後當訪我金陵以一

詩賀兒騏驎登第以六詩苦旱答之

楚波如黛瀉潺湲美有雙魚尾更殷中散已申秋後  
駕巨卿從破別時頰乍悲雲漢黎民詠忽羨星辰父

子班解道超然無物念人間憂樂也相關

送凌金吾護潞王之國便道歸覲大司馬公還

朝

躬隨朱芾之千乘手捧金符下九霄舞綵真娛大司馬賜冠新挿侍中貂由來禮樂堪元帥別有韜鈴衛聖朝倘問同時休汝客爲言衰朽愛漁樵

過太宗伯徐公留飲山池出所懽明童佐酒

輕榕小舫受涼颺正及東山行樂時楊柳腰新宮傳宅芙蓉客滿衛軍池朱顏不待飡雲母白苧親調付雪兒懽劇翻追少年事射陽帆底對彈棋

兪州山人續稿

卷之十九

六

飲徐公歸有園後旋過乃督張伯隅園小坐有

作

徐邈飛觴故不怪仍過玉潤許舒顏穿池巧博迴環水構宇能承向背山客至琴樽欣得所坐深花鳥樂相關與君試問峯頭石若個中丞歷載還

送鄒彥吉學憲移杭嘉兵備使者

離得東山三舍無高牙紅旆擁前途津頭候吏猶鄉語腰下懸魚是舊符尺檄可能收大海奚囊恰好貯西湖中朝文武如公少莫訝麒麟着豎儒

奉贈盛原濟國醫

大似顏家少父狂箕裘籍籍有輝光青囊不博書生  
筐白蛤能分御史牀任是醫和通國脉可煩臣意對  
師方生平恠殺兒曹懶擁篲爭先禮藥王

承明卿大叅以詩見賀司寇之遷且訂脩真之  
約而所托似非其人聊以奉酬且示微風

秋風忽下楚天翰似爲浮榮動古權任使白門寬吏  
傲却妨丹竈背人寒新春實買鴟夷檝異日虛留司  
寇冠莫咲鰕生城旦對由來黃老近申韓

其二

才名饗盡復談玄天下英雄讓爾先老子也知離世  
矣州山人續稿卷之十九

七

網前身錯解悟真篇馬肝時見文成死鴻寶難容子  
政傳曾讀漢時方技傳北邙高塚葬神仙

秋日發黃浦朱氏三子與張長輿顧仲韓拏舟

送別書此紀事

傾城冠蓋擁沙洲儁少將無厭白頭晴日好停黃歇  
浦秋風追並李膺舟雕盤欲選俱名味玉麈難揮遇  
勝流不是西州有餘慟此行何異五湖游

時中潘長公歸

丹陽道中承宮保大宗伯姜翁出會因贈一律

直髮方瞳水雪顏才聞報政卽投閒久叅白下夔龍  
席新冠青官羽翼班榮似二疏辭漢闕高如四皓返

商山莫疑下客多塵思今日叨陪紫氣間

徐大宗伯同唐張婁三子見餞至新洋江始別  
新洋江口好停舟淡月籠烟破暝愁君卧可能忘象  
闕予行終擬問菟裘嬌歌易作雙青眼別酒難禁兩  
白頭揔是秣陵多勝地却慚人喚鳳凰游

過潯墅關李啓鑑司農要張毛錢吳諸名士餞

送分韻得連字

楓橋暝色隱樓船文彩風流盡此筵諸反但能河朔  
飲使君寧惜水衡錢已將歸思尋張翰若箇逃名似  
魯連乘興偶然成別語相期不必衆人傳

弁州山人續稿

卷之十九

九日家忌掩關同年兄表相國履善以三詩見

督尊酒聊爾倚筴

蕭條九日散賓儔裁及登高淚暗流揔爲蓼莪捐令  
節敢將萸菊破牢愁霜嚴故國無鴻鴈氣肅高林有  
鷓鴣慚愧寓公表相國却緣尊酒費詩郵

新樂大王明德懿親肩美齊獻被禮服義趾稱  
河間耳順已逾國儲未立邇者熊夢奕奕騰  
趾振振凡在同聲俱厯稱慶敬成七言律以

弁卷端

阿監傳呼銀鑰開分明玉樹主君裁渥洼馬出真龍

種東海珠生老蚌胎春煖雪宮添滃鬱地尊青社吐  
崔巍卽看同姓諸王表琬琰鐫名上 帝臺

請告杜門大司成張公少宗伯趙公學士余公

携觴見枉分韻得桑字

病起閒門日自長晚雲珍樹鬱蒼蒼騶呵並枉烏衣  
巷簪盍聊呼白玉堂此別孤踪各朝野只今何事不  
滄桑諸賢莫厭飛觴緊萬拆聲中滿路霜

送黃季主先輩

一時三楚汝稱雄擬學張衡賦故宮發篋秣陵餘白  
僕稱詩江夏有黃童荷衣間過長千里崩缺時彈幸

舟山人續稿

卷之十九

九

舍中後夜便爲天際別大江西望吐晴虹

送謝太常博士謝曾使琉球

金陵握手非初會曾讀芙蓉謝監詩鰲背尚懸唐使  
節螭頭重領漢官儀星辰午夜親嘗耐霜露商秋肅  
侍祠祖道勸君須盡醉祇今猶是不齋時

事白後再上疏乞骸承伯玉司馬以二詩慰問

有感問答

紫袖蒿陳白髮稀逢人羞說宦情微羊腸過盡依然  
險馬角生來可不歸谷口行厨薇蕨飯江頭初服芰  
荷衣東山司馬如相問南北風塵有是非

其二

飛章萬里叩天闈，乞得閒身是主恩。已荷聖

朝寬駮骨，可煩詞客爲招魂。行逢車馬心先折，語到漁樵道便尊。依約十年栖隱處，軟莎新竹護柴門。

臆雪中承御史中丞石公納言徐公廷尉張公

京兆尹陳公鴻臚艾公過訪陳公有作紀勝

漫爾奉次

城北林深臆意濃，諸賢尊酒且從容。吳天忽覩黃雲

合，鍾嶺俄成白玉封。欲問狐裘慚晏子，

用晏子春秋對齊景公事

寧勞鶴氅羨王恭。知君郢里裁高倡，無那登徒老更

弇州山文續稿卷之十九

十

慵

陳京兆玉叔以喜雪詩見授奉和

臆雪千門喜共傳，耐它寒色爲豐年。謝家玉樹詩篇

好，王氏烏衣屋乍妍。僵卧可煩京兆尹，促歸何異剡

溪船。恠看兒稚爭收掃，曾習農書汜勝篇。

贈談叅軍思重

清世何緣有避讐，爲貪山色秣陵游。間從方外稱司

馬，懶向田間詫故侯。王謝風流杯底出，秦淮烟月畫

中收。官衙不少如澠酒，君但來過緩客愁。

用贈談思重叅軍韻再贈謝少連茂才

爲厭青藜夜校讐蟠然聊作石城游時裁小令調盧  
女仍草長編儂鄴侯六季遺踪斑管在三山秀色錦  
囊收勞君問我眉端事除却歸來不解愁

庚寅元日立春祝太聖畢始以紅錦袍謁陵

鵬意將歸爆竹催爭依仙仗集蓬萊堯樽薦栢條風  
入漢省呼嵩瑞靄廻原廟漸傳銀鑰啓祠官新覩錦  
袍來不知春至真多少明日東郊探蚤梅

徽陽公入佐天官兼領翰學賦此送之

分曹猶得坐春風忽領鵷鸞向碧空三入承明階轉  
峻兩叅均統寄逾隆星辰不隔瞻依表桃李爭歸啓  
弁州山人續稿卷之十九

十一

事中青省倘過張樂地莫驚江畔有冥鴻

贈少司徒采山方公得請時公徙止別館未返

新都

成風老手御風姿其那冰心 聖主知不學賀公稱  
道士殊輕白傅愛分司門前羅雀從今日屋裏看山  
祇舊時無論賜金多少在君今不飲欲呼誰

揀江石中丞母林太淑人壽言

三月十六幌鞏辰六十六廻無限春青天共指猶圓  
魄紫誥仍輝見在身開府夾江文武吏稱觴八坐太  
夫人賸道金陵好風物那能不遺鬢毛鬢

杜翁少時葬親夜歸大雪幾殆若有神人送之  
得免文太史圖之矣而又屬蜀人毛太史詩  
之久失復得諸賢異其事簡韻和贈成卷余

亦嗣焉

死孝仍拚攀栢身生還剛及啓關辰雪深踪跡唯狐  
兔夜久扶携有鬼神萬里瑩完詩不偶百年珠隕盡  
如真莫言張矢男兒志惆悵誰爲掃墓人

陳玉叔廷尉邀大宗伯王公過飲有作

總爲襟期不待招坐深清醕緩春宵空庭月送三山  
色古樹風爲九曲潮我自越音歸轉切君先郢調欲  
奔州山入續稿卷之十九  
誰驕唯應醉裏王恭去鶴擎寬閒度七橋

爲王學士題馬鞍山

遙從馘駛出層巒攬轡還應得大觀揭地秦鞭驅作  
障飛空穆馭且留鞍駐峯對擁春雲暖熊耳雙懸海  
色寒見談史成蒙主錫裝來七寶鳳池看

爲王大宗伯題五指參天峯

東南欲盡覺天寬矗立高峻障海瀾掩日脩羅雲外  
掌摩空銅狄露中盤削成華嶽峯峯出寫出郇公系  
系寒寄語地靈王學士九重今借指南看

顧太史北上



仙郎青雀度梁溪夾路春花醉不迷此去依然丹禁  
直瀕年強半碧山樓南溟魚鼓寧容息北斗名成孰  
與齊寄語調羹三宰相可寬田父一扶犁

五言排律

潘景升見訪後卽游南雍應試賦此贈之以壯

行色

自讀西征賦時推西晉才忽傳中散駕云自硤中來  
文豈淨而淺人仍美且鬢九方輕牝牡八尺是龍駉  
虛左成均席登歌京兆杯名高鳩鵲觀氣逸鳳凰臺  
六館崢嶸重三都次第裁他時結駟過莫遣破蒼苔

弁州山人續稿

卷之十九

十三

題凌氏盟鷗館

自昔衣冠會都非江海情君今讀書處披檻湖波平  
鷗鳥時時下條風箇箇輕一羣飛的歷數點立分明  
忽破春山翠平添烟水清孤棲如有約一飽便無營  
愧殺鷓行地愁聽鳳沼名忘機但來往何必更尋盟

賦得柳條恒撲岸花氣盡薰舟送沈子

春風渾似剪花柳一時齊不獨藏鴉穩兼令去鷁迷  
三眠初作絮百和欲成泥旖旎粘輕浪顛狂撲大隄  
青絲愁綰折紅袖惜分攜灞岸雲初起薇垣日未西  
一枝從主賜全樹借卿栖傑直星爲柳舍香舌是雞

河陽妝面好京兆黛眉低莫以爲郎薄時時戀故溪  
送湯給事元衡入朝補舊省

離筵一尊酒還試五時衣白簡名逾重青蒲似漸非  
湛驚新露渥聚訝舊星稀莫以天顏瘦應推海宇肥  
暮雲人怨別喬木爾翻飛倘及弘之事無魚老釣磯  
答興國判張羽王

轉憐張別駕十載二毛侵黃口依人慣青衫戀舊深  
咨取朝暮饌謝豹短長吟泣玉它年價銜珠此日心  
漸因窮刺骨翻作怨知音行止吾天袞文章爾陸沉  
數椽分孺子一衲老藁林如此蹄涔轍雙魚亦浪尋  
弁州山人續稿 卷之十九 十四

日長至爲懸弧之辰夜半起坐偶成

子夜不成眠篝燈對黯然微陽欲動後老我未生前  
但喜初長日毋論向暮年悟來仍悄悄收得漸綿綿  
線任兒曹益弧從耆宿懸無人識余意香火競喧闐  
少司徒胡公蒙恩予告詩以寄情

無辨存臣節板留見帝仁從它具錦客不是蠶絲臣  
比極丹心苦函關紫氣真淚枯緣國士心死作山人  
欲識加餐意他年致主身

感事得五言長律三十句時家弟敬美致開中  
書爲歸計因賦此寄之

大道本何諍凡情空見憎  
廟廊稀闕事泉石易爲繩  
魔總百相繞佛還三不能  
豈予真白壁夢彼任青蠅  
會得無身語依然有髮僧  
江湖元自濶風浪定來澄  
嘿嘿時彈指涼涼對撫膺  
尺書傳令弟三益喜良朋  
草賦推司馬尊心托季鷹  
非關怨搖落業已削飛騰  
緩蠟千山履來依六祖燈  
天寧久鍾會爾不愧孫登  
日月高難毀乾坤大可憑  
鷓鴣從嚇鼠羊角定扶鵬  
若說函中記寧同漢五陵

送徐汝旭游太學扶侍宗伯公并訖謝宗伯

南州士問媿比闕帝恩繁稍慰晨昏戀仍聞詩禮

舟州山人續稿卷之十九

十五

尊出從鱣席授歸向鯉庭  
論荀令香雖冷何郎粉尚  
溫通家余濩落喬木爾飛  
擺獲保野人業能忘直宰  
恩風飈條以過桃李竟何  
言唯有青山色依然傷萼  
門

尚進士請告扶侍者十五年渡江見訪索詩爲

贈

世人欣捧檄而汝獨陳情  
問寢春朝美披襟游思生  
客愁過夏緩詩句渡江清  
指點婁侯國徘徊亞字城

父爲此州伯君父仰山按吳有聲兒結五湖盟不作嬰婚嫁君

家尚子平

前揮使王君化六十壽言

少年曾任俠未老便抽身撫劍思前事登壇屬後人  
樹同司馬大灰救故侯貧磊塊聊全酒逍遙且任真  
圍棋閒訪謝擊缶或歌秦聞說稱觴地瓊花刺眼新

君之子分闈維揚  
近迎君爲壽故云

壽余德甫七十

屈指燕中社俄然爾七旬五言欺大曆隻字逼先秦  
宦拙猶循吏名逃是逸民長措翫世眼誰證到頭身  
珠玉堪娛老金緋不救貧甘從絳縣食懶作豫章賓  
雙躡匡廬屐孤垂彭蠡綸雲鴻同意態海鶴鬪精神  
弇州山人續稿卷之十九

十一

癸未除夜

憶昨逢除夜篝燈對苦吟縱無兒女態猶劇歲時心  
恬憺吾慚我蹉跎日至今衰頽不解事狂態竟知音  
有鐵皆成錯無絃始是琴明年是明旦百慮莫相侵

輓皇甫子循先生

威明頰解綬玄晏少歸田人識書淫疾天私黨錮年  
浮名日者傳樂事雪見絃尚作非熊夢俄成賦鵬篇  
遺文六季盡新語衆人傳罷理登山屐誰償賣賦錢  
因君問班管不朽立言偏

題故孟光祿怡老園

昔在先皇日吾猶識孟嘉清朝倦黃閣黃髮岸烏  
紗疏傳金雖少香山社可誇比鄰共雞黍近水足魚  
蝦汝逐華胥夢人呼畏壘家霜餘大令橘暑憶故侯  
瓜往事存喬木流年問落花不須論代變得老便生  
涯

元馭閣老將北上要余於野次言便得二章

相印非時授天書特地臨一鰲堪立極萬象想爲霖  
衆訝商巖夢吾知潁水心戀從烏鳥劇愁向鶴鷄深  
朝市安從美山林老亦侵莫教男子淚容易便沾襟  
傘州山人續稿卷之十九

十七

其二

拜命金甌貴徵車竹使專共迎丞相旆還是孝廉船  
應象三台外降心一叟前堯天從汝潤佛日傷吾偏  
取適難爲境貪閒亦礙禪報君從此後隨分太平年  
題尤生畫贈林總兵

白雲幕松頂輕風扇茗鑪此時羊太傅對客理陰符  
且捉玉如意暫疎金僕姑清言寧誤晉雅志在吞吳  
海靜烽堪冷時平將自儒寧知日出處片檄盡輿圖  
由陰徑而下至振衣渡又名却女津

夷猶竟韶景窈窕此山阿越女興猶劇夕陰將柰何

攀藤斷織指躡草沈輕羅石碍蓮雙朶泥沾玉一窩  
翻然欲飛渡終是怯凌波

真言文漪堂之後涼風堂

涼風起蘋末集我鳳皇條小奪琴中理時添酒外驕  
迴光汎芍藥遺嚮逗芭蕉偶爾當三伏欣然至久要  
老夫憑仗汝散髮坐逍遙

薄暮練川朱侯過訪小語別去紀贈一章

一雨吐新蛤千村生夏涼傳呼邑侯至能使野人忙  
早麥鳩堪噎鄰鷓鴣借嘗微言露雄白小坐逼昏黃  
有懶酬高誼無求恕老狂今看孺子楊猶帶令君香  
舟山人續稿卷之十九

十八

車馬初疑夢閭閻未忍忘還同孝宣季朱邑在桐鄉

王愛川先生歸馮翊詩以送之

葉縣君其後談玄早棄官遂公一開社陶令不眉攢  
爲識黃金界翻憎白玉棺晨鐘僧粥煖夜唄佛燈寒  
獅子現毛孔蓮花生舌端歸心鴈門市初服鹿皮冠  
莫戀枌榆好西方行路難

宿沓塔佛院

莫言初地小但覺四天寬面面芙蓉鏡層層薜荔冠  
一泓驚眼碧九點驚頭丹唄響波聲合漁歌夜色殘  
經歸龍藏易僧結屨樓難我醉聲聞酒誰施法喜餐

倦分禪榻卧閒借佛書看猶有微根在羞人喚宰官  
再題泖塔因贈脩塔住持自正

康會來江表由拳已陸沉五湖三畝地千古一叢林  
不壞金剛座長抽碧玉簪火齊搖塔杪苗菑漫波心  
汝有誌公錫何勞長者金聚沙緣自昔填海願如今  
一食分僧鉢三衣借客衾魚譜放生樂鳥和諷經音  
小緩廬山戒籃昇日日尋

壽顧翁七十

少習東魯學詩書執禮身晚膺西漢詔孝弟力田人  
好語時依口窮愁不上顰蘭枝葉已茂蔗境事方新  
龔州山人續稿卷之十九  
五  
莫惜如澠酒將分太液津

謝貞吉王孫雅餉

書是豐城劍僧爲南浦鱗直聶深氣誼寧獨慕沈淪  
念君饒異物慚余非異人三絕何能報四愁虛自論  
古來無限意奚必在比隣

壽曹茂來進士七十以故人仲蔚子請也

尚憶公車日君方冠弱辰才真如太傅老不慕平津  
第讀養生主何論觀國賓鷗閑知易飽鶴瘦不關貧  
間引詩娛性毋勞酒養醇芝蘭長自玉竹栢得其真  
園種樊侯漆溪收張翰蓴猶餘故交子來作掃門人

寄鄧州劉廣文

昔忝襄鄧節于今十四年清才豈我下黃綬屬城偏  
七畧元劉向諸生仰鄭虔扶藜過五壠探蠶酌甘泉  
井自心源出亭因覽秀傳祇愁花蠟燭不暖青寒壇

弇州山人續稿卷之

弇州山人續稿

卷之十九

二十

我自公賦出亭因覽秀傳祇愁花蠟燭不暖青寒壇  
昔忝襄鄧節于今十四年清才豈我下黃綬屬城偏  
七畧元劉向諸生仰鄭虔扶藜過五壠探蠶酌甘泉  
井自心源出亭因覽秀傳祇愁花蠟燭不暖青寒壇



弇州山人續稿卷之二十

吳郡王世貞元美著

詩部

五言排律

侍御蘇君按滇中賦得五言八韻送之

高帝何神武，黜編悉內臣。狎聞驄馬使，時祀碧雞神。  
自爾輶軒發，能開象魏新。坐令驕帥攝，行得悍王馴。  
斧劃昆明曙，鞭迴楚燮春。片言搖地軸，尺疏動星辰。  
蠻府音從革，奚囊句盡珍。清朝揆地好，不必問埋輪。  
王懷中先生泉人也，與余有通家分年七十有

弇州山人續稿

卷之二十

一

七矣貌壯麗，健舉止飲噉。兼人既深東，越建昌之學，又善語玄素之秘。訪余弇中，頗傾嚮言事諸少，而刺輦上君子，尋飄然遠別，得排律八韻贈之。

不必通家刺衣裳，爲倒顛乍驚。顏轉少相對，意俱玄貯腹。有千卷問囊無一錢，盡驅妻子累翻結。宰官緣泣路支離，叟懷人黨錮篇。自因長住世，那可不憂天甚矣。吾衰矣，其然君豈然。太湖無限好，一曲養殘年。

慕椿林翁壽言

六十猶嬰慕，栖遲似魯生。家傳和靖隱，人識孝廉名。

必軼齊梁駕還追李杜盟有雛俱五彩合璧並連城  
綸紵傳西掖冠裳自上京峯如雙髻黑身似九仙輕  
小飲收春樹端居詠太平瑤池萬年實併益壽頰頰  
白雀寺秀上人新詩時有開元以前調又能作  
本色語出行卷謁余求訂且將北游賦此送  
之

六朝富僧藻末宋始逃禪及爾操觚日逢余瘞硯年  
曹溪一偈後衣鉢幾人傳琢葉妨元氣拈花合自然  
思超靈鷲表格逸景龍前莫以文通拙徒成怨別篇

咏江令

弇州山人續稿

卷之二十

二

江令好爲佞佞辭何太工拈來攝山草吹着後庭風  
佛日不相照君恩難望終猶輸孔範死虛慨魯侯忠  
搏頰咸陽市傷心建業宮南冠無故聖應始悟三空

江令詩有三  
空語已悟語

答贈張太學孺愿兼寄示沈嘉則屠長卿孺愿  
之先人爲大司馬公嘉則長卿俱其客且與  
孺愿善序其詩而不能無白首之歎故云

明海張司馬龍門一世師久欽鯨力大不盡鳳毛奇  
業稱元方弟名高蔡克兒有才疑夢筆無意僅爲箕  
天向金陵闢虹從赤董垂諸生俱避席祭酒亦低帷

柳態猶長緒蘭心祇項斯寄聲屠與沈須憶御磨時  
齊王孫仲望邀同周公瑕陸成叔登清涼臺分

韻得風字

絕磴盤天界方臺枕法宮白龍衝劃塹丹鷲遠排空  
寶樹青冥底金莖紫氣中曼殊分化跡石跪遜人工  
嶺似高低鸞城疑斷續虹一依文佛日四起大王風  
目極神從爽心清境自同諸賢今鮑謝能益帝京  
雄

懋梅禹金試金陵放落一首

昔時梅宛陵歐九並馳稱萬古一詩在青山白髮憎  
弇州山續稿

卷之二十

三

雲孫更踏踏雪曲有飛騰桃葉雙頭檝芙蓉半臂綾  
此時吳女隊讓汝獨先登

送許京兆救故友李中丞左遷

豈淺馮唐對幾同左伯冤一書存友道遷客是君  
恩襍被辭京府傾都慟國門江雲自舒卷山色任晴  
昏剩得支離叟空爲歛曲言賜環須有待弟子莫招  
魂

故人卓漱甫光祿補官北上過金陵飲官舍賦

此送之且訂留署之約

顛倒欣相命翻飛不自勝詞人武林社天子大官

丞醉態傾嵇叔高標愧李膺望迷金掌露坐瑩玉壺  
水我自難燕市君應乞秣陵莫嫌留署冷官酒尚如  
澠

訪明徵君事讀唐高御碑有感

徵君不可跡蘿薜望來深更藉空王力高明傳至今  
蒲輪三起詔螭首一綸青雖表旌賢燬終非遜世心  
欲伸蘋芷薦念爾不余歆

朱定國失意後訪我金陵賦此贈之

十年真畏友片語足兒師訪我金陵夕猶銜壁別悲  
三山橫秀色六代吐雄詞是處堪携酒何妨且咏詩

弇州山續稿

卷之二十

四

綢繆追往事飛動卜前期海錯携來富猶堪住少時

朱虞葑先爲賢令入郎考功永蘖之操燁然人

口出視江右學政於其行賦此志別

卓爾松筠操皎然冰玉姿已標循吏冠復作儒林師  
左蠡揚瀾日豐城辨斗時青衿歸水鑑絳帳吐風儀  
鷺渚飛揚旆雞山黠澹巵老夫貪一壑後會恐無期  
觀潮婁滸作

七月十八日潮頭何壯哉平驅銀海立忽捲雪山來  
洶洶噴晴雪殷殷動遠雷千艘催簸蕩萬弩屈喧阗  
笑緩放生發爭先伍相才老人驚未覩尊酒喜重開

飛瀑廬山破奔流砥柱摧乾坤此三絕欲返重徘徊  
過陸震卿大行讀書處有贈

過君讀書處破壁侵菰蘆不厭饑時麥難挑旱後蔬  
沈淪詩更好飛動意能無莫以鷗冠聚尤深魚服虞  
時清寧任俠宦薄且爲儒但使星文就 君王自按

圖

顧仲韓携酒船相送傾倒尤深因贈仲韓併及

張長輿朱氏三子

綠水搖晴旭滄洲動午烟誰携若下酒來喚子猷船  
屑玉玄談綴披沙麗句圖書探龍爪祕畫得虎頭傳

弁州山人續稿

卷之二十

五

泥飲推三雅

朱氏三兄弟  
飲量最洪

風流數七賢與坐者老夫

從機解不待長君前

謂長  
與也

贈陸成叔山人新居

薄俗人難傍窮居地自偏何妨號城市亦自飽雲烟  
入坐青山滿沿階綠樹圓饌饒三九菜酒斲十千錢  
駐戶桓生馬裁詩薛氏箋仍誇有奇績校得子虛篇  
送方伯吳公 入覲還金陵却赴浙省

何限朝天艦如公五兩輕 君王書上考宴餞下承

明不愛東膠賞俱稱召伯榮三提長官印十稔臨安  
城草木沾恩澤江山識姓名官如兩高峻人比孤山

清休汝冠裳會留恂父老情盡熊猶緩發竹馬已先  
迎久偃扶桑颺仍留下瀨兵佇看新節鉞隱隱出西

京

開府報缺新  
命旦夕下矣

七言排律

避暑園居得長律二十句

今年毒熱異常年似爲吾園稍見蠲謝客琴樽寬約  
束親人魚鳥恣留連已多苔色侵衣上時有松聲到  
枕邊鑿就雙溪長貯月疊成三鳥別藏天鶯花得所  
朝偏麗鰕菜趨時晚更鮮中散酒鎗盛沆漉右軍書  
筆走雲烟絃中白雪非江左篋裏青山是輞川大雅

舟山人續稿

卷之二十

六

詩歌篇十九古文金石卷三千乍談颺爾涼颺至小  
坐翛然大火捐見說長安饒炙手可容分借比窻眼

吾州有王三翁者沙人也年一百六常住明上

人燕人也年一百四今秋眉州劉大瓢來訪

自言歷三丁丑年百二十一度其狀貌亦似

百許歲人期以閏月之十二日會吾山園喜

而有賦

三老三百三十歲一農一道一山僧俱稱獻壽來南  
極直數生年到 裕陵長就鶴形驕婉姪煉成松骨  
關峻嶒囊餘伏翼千秋餌手挂胡孫萬歲藤迤邐降

庭猶恨少依稀杖國嚮來曾他年太學應親割今日  
清尊暫作朋疏上壺關名是茂篇留陌上姓爲應懸  
知太史占星象厠我嘉張恐未能

詩成之明日而王翁疾甚又明日就木矣感歎

之餘復得一章

一百六年難老身半剝那間隔世塵飛去獨爲華表

鶴化來雙剩禹門鱗空教休聽歌三叟贏得商於僅

二人海爲桑田垂沮洳峯如華頂斷嶙峋

華嶽三峯

虎溪

他日不成咲橘叟茲秋聊對論彭祖較來差尚天黔

婁謚後未爲貪客從逝水浮雲去交許清風明月新

弇州山人續稿

卷之二十

七

更道歲寒還有托老梅拳曲伴松筠

大宗伯吳興董公枉棹海濱道返命進士長君

代訪且贈長律餘獎過情愧感之情托之申

和

元老三朝鬢未蒼碧瀾天目供文章初將息念歸祇

樹雅有高名在栢梁冀比羣羣空腰褭淮南字字挾

風霜書成舊錫黃銀印夢醒猶疑白玉堂善誨閨牆

多未照憐才齒頰有餘香齊紈忽展銀鈎贈越錦難

輕玉案償共道賢良惟一董可能京兆擬三王

公以余補

留京有三王之擬 芄芄蘭桂秋逾茂藹藹桑榆日未央丹穴

鳳毛開氣色清時派筆借飛揚莫言興盡山陰舫衣帶居然一水鄉

杜清甫丈九十矣而矍鑠如少年曾憶白香山贈裴施州云九十不衰真地仙因倚起語壽之

九十不衰真地仙姓名無忝杜延年圍棋縱負人人野賣藥能寬處處田春煖絃歌秦女巷午晴詩畫米家船携來鳩杖那防噎贈得羊裘不肯穿自剔殘燈書小令旋烹新茗結清緣惟應藟子摩銅狄見爾垂髫學數錢

龔州山人續稿

卷之二十

八

再用香山居士起語壽駱廣州先生

九十不衰真地仙五朝清晏卽人天難逢拜老中興日憶得懸弧 孝廟年薄宦陸生無粵索歸心賀監有湖田鄉吟捉鼻從清濁社酒膠脣且聖賢大咲武公箴自苦長誇榮啓樂仍偏如傳籃筍來蓮社應許門人任一肩

壽封給事蟲湖顧翁八十

江左宗盟陸凱前中興風雅賀循聯生兒譽貴同元歎取婦篇多似彥先省覲主恩深愛日賜租封事上廻天俱誇小鳳銜書地

唐掖垣從官名小鳳

才是非熊入夢年



銀甕法傳中禁美綵衣春奪五時鮮彭湖斗野分雄  
劍亞字城陂汎酒船間出膏車新郭里有時耕耒太  
湖田浮名不愛真天隱樂事長寬卽地仙

觀察顧公六十壽言

三朝舊德剡方騰四姓高門代並稱人向隱君誇晚  
節我於循吏表中興無書新沓交從在有子藍田價  
轉增賜覲宮花分露掌傳家諫草挹風稜庭間鯉對  
詩能續海近籌添事可憑興到玉峯舒臆屐思幽金  
澤傷漁燈微車斷不驚元歎推轂虛曾忝茂弘更祝  
朋尊須盡量莫教春酒但如澠

弇州山人續稿

卷之二十

九

寄題吳明卿參政北園

使君天許卧林丘背郭園成事事幽檻外星辰依北  
極坐中冰玉盡南州族雲瞻藹三春變平楚蒼茫一  
鑑收乞得隣花添爛熳偶來山鳥獻鉤輒恠他妨醉  
平泉石使我尋芳杜若洲機事摠忘難抱甕生涯雖  
小學垂鈎印山地貴誇編埒玄武陂寬好競舟

俱取  
北意

爭以儂家五畝野白公池館讓風流

送吳晉陵趙常熟二太史賜環入朝

詞林矯矯並人倫抗疏那妨丞相嗔圻地黃河雙砥  
柱迴天白日一金輪片言色借宸楓重萬姓聲傳諫

草新擬奪惠文冠太史却將巾幗贈何人耦耕沮溺  
身堪老三逕求羊跡共淪主聖親題罪已詔時清  
湏愛致君身銀魚法錦聯翩復白虎名經次第陳豈  
以登仙誇去艦毋從遯叟問知津折餘虞仲祠前柳  
採自延陵宅畔蘋兩地由來有廉讓可應徒作引裾  
臣

金白嶼先生壽九十矣其文彩風流比之前九  
十者杜翁駱師則尤翩翩焉不佞仍用白香  
山起句例壽之得六韻

九十不衰真地仙長于樂事况年年生當五帝舒長  
弇州山人續稿卷之二十

十一

日老結三山綺麗緣無意授書天子問有時裁句  
雪兒傳賜來鳩杖何妨噎停著柴車不待延稚子競  
誇婪尾酒故人分得賣文錢共云蔗境從容咀莫放  
滄溟便作田

閱史偶有所感

掩卷柴門數落暉古來俱羨聖之威那知天地長多  
事揔爲英雄未息機雙眼耐它人彘在一身贏得帝  
靴歸鮑魚不救祖龍臭螻螻翻因齊霸肥黃屋事移  
輸白屋袞衣緣盡着青衣王孫子姓時時改寒食園  
陵箇箇饑塵世隙駒俄自了豎儒毫兔易成非江南

鹿豕同游處喬木連雲盡百圍

輓故贈太子少保潘恭定公時年八十有七

甲子前頭對大廷耗磨同董盡凋零官從密印加三  
少帝與禎符斲九齡誰並五朝論出處時因八座愴  
儀刑生驕尚父猶宜髮煉得嬰兒任解形丹竈乍閒  
龍虎衛赤霄疑駕鳳凰駟者英會裏無春雪箕尾行  
邊有歲星兩字易名華勝袞千秋遺草汗長青卽看  
最屬嫖姚冢况復芝蘭謝傅庭

世貞邇來壽九十翁如駱司理杜金二處士皆

由白香山起語今年爲宗履湖先生九十復

弇州口占續稿

卷之二十

十一

引前例壽之先生之伯子故史部子相余碩  
交也故中聯多及之

九十不衰真地仙白公社裏冠羣賢強逾歷下書堪  
受隱傷淮南法易傳渤海尚誇銷劍地蜀都猶憶夢  
刀年名山自滿宗家壁北斗還高吏部編早闕梁松  
牀下拜叨陪畢卓甕頭眠欲將鳩杖爲公壽緩步當  
車已綽然

三月三日屋後桃花下與兒子小酌紅酒因憶

昨歲從吳明卿諸楚人於弇園榼飲遂成一

排律

去歲三月復三日忽逢楚狂爲楚歌卽無草聖愧逸  
少雅有蘭亭如永和故知故事不可再避人避地將  
誰過家西一灣小曲水屋後半榻貧維摩偶然兒子  
致紅友聊爲桃花飛白波盤餐第輸狗杞美鼓吹其  
柰鳶筆多摯虞小儒不解事無可板除如我何

緹帥左都督麻城劉公貽書慰存且有名香佳  
扇之規七言排律廿四句志謝

春明祖道近黃昏悵別慙勤欸欸言十載鹿門余偃  
息九霄羊角爾騰騫藉令東第通侯貴誰似南衙太  
尉尊直有詩書繩祖武長將肝膽答君恩朝霞剪

弁州山人續稿

卷之二十

十二

賜宮袍麗冬日聆傳 聖語溫兢病句誇曹左衛衣  
冠禍解竇城門三台不隔江湖夢一壑翻勞霄漢論  
地達菰蘆難物色天空鴻鴈有音存扇從巴蜀能蠲  
暑香自西戎解返魂稍覺枯魚貪涸轍居然病鶴怕  
乘軒爲珪爲鼠同稱璞如蟻如山摠字鯤公輩長年  
扶日月老夫餘息任乾坤

賀族孫都運汝康八十

堪紫衫圍腰帶黃茜朱顏奪髮毛蒼庚桑壘置通三  
紀甲子輪週又甘霜四海宦游垂欲盡五湖襟度雅  
相當人誇渭水非熊卜家有緹山馭鶴方庭樹似從

峯玉徙節瑩真共海籌長竹林醉阮年猶少對爾慚  
稱大父行

昔白文公有詩贈裴緇州其起句云九十不衰

真地仙余以此例贈九十翁者凡五人矣莆

田林方渠公以名進士官至郡守累進階正

三品今年壽九十二而其子敬夫復以雷陽

守便道綵侍母論五人者僅一宗馬湖鴈行

卽所謂裴淄州者當亦不及也喜羨之餘敬

前韻授之俾歌以稱觴

九十不衰真地仙阿誰諸福似君全生兒自授詩三

餘州山人續稿

卷之二十

十三

百請祿同登石二千舊憇棠陰青蔽畝親栽槐色翠

摩天壺公山靜堪逃酒延壽陂清好放船尚父少慚

多偃蹇啓期衰覺轉顛連林家故是寬喬木行看雙

標紀大年

閩省有百歲坊亦太守亦林也

余與竹溪王大中丞爲郢中之別餘十二年矣

公撫關右值旱魃爲虐公竭力祛之民漸回

菜色辱遣使問存恤然有懷遂成一律時閏

六月之望也

十年郢里追陪後百二秦關保障中分陝古時惟召

伯三城今且有張公雲霓疏自憂天切鴻鴈詩偏憫

早工豈爲土龍方致雨將無銅雀解鳴風卽丘東海  
俱名族建業長安總舊宮無那新秋圓月色一尊西  
笑向誰同

五言絕句

題金陵景送康永錫一絕

莫催桃葉艇去沅秦淮色有興展此圖一掛高齋壁

文休承畫此景送客金陵題者十二人皆詞翰名家也今輒以贈永錫仍爲寫一詩在方

半峯亭

不愛天上游不愛人間住愛此半峯間卧看雲來去

清暉軒

弇州山人續稿

卷之二十

十四

微風卷帷起面面延清暉無生一話後日晏不成歸

碧玉沼

一片荆山玉琢成秋月圓風波落葉盡下有蔚藍天

觀音巖

洗髮池流潤遶龕紅葉深松風定中過不是海潮音

白龍洞

春雷地底發匹練空中飛毋勞久行雨解早便應歸

多景巖

千巖薦奇色使我勞清瞬其若老僧何不見亦無盡

早工寶雲井

片片勝鬢雲墜入功德井山僧解夏還和雲煖新茗  
偃蓋松

青松作偃蓋相與談禪理折取松下枝與師充麈尾  
鐵塔

當時鐵輪王建此七寶樹風送黑雲歸簷樓不知處  
妙高峯

金山妙高臺飛到峯頭住逢師卓錫聲不敢復飛去  
東齋

月出東林端不照東齋屋趺坐看西山千巖散金粟  
西隱

弁州山人續稿

卷之二十

十五

一瓢挂一錫毋勞問姓名欲識西來意崖前栢子生  
書于皂先扇一以自嘲一以自勉

姓字真如蠟墮君牙吻中從容一咀罷方識慕時空  
其二

積草池頭夜珊瑚紅欲然只知驚寶色鐵網更何年  
梁內史奉詔爲譚司馬治墓便道歸省訪余

弁園得三絕贈之

罷輟螭頭直行封馬鬣阡君看大司馬應否象祈連  
其二

白髮閒休倚紅顏且下機里中爭詫說內史錦衣歸

其三

奔園五載內重見二難過不獨金蘭合還憐玉樹多  
題尊生齋贈張仲慧

古人既已無後人猶未有欲識生者尊古人落吾口

其二

試問張仲蔚蓬蒿空滿園嚴霜一夜至方悟喬松尊

其三

羣動各相役而我獨無言生當貯萬古那得不為尊

其四

道言有身患佛說無生樂問生何以尊為汝解其縛

牟州山人續稿

卷之二

十六

王汝止先生過訪弁園有述

塵尾豈新義字字天機流其柰溪邊石頑愚不點頭

其二

春至百卉萌日出萬象麗不應拈破時別自一天地

其三

日斜一局罷觀者謂機深偶爾見敵手由來無勝心

其四

呼尊小酌罷坐愛松風吹忽爾農歌發欣然與點時

其五

藤石從雲老苔階過雨斑游人不解看應道是真山



其六

欲求無識師爲我識綺語三界無處尋久墮泥穉土  
陳翁六十于鳥无請詩壽之得一絕句

宣髮貌如童藏書比素封何須二千石有子是元龍

題畫

商船一入淮便問淮陰社買酒新城中來醉舊城下

其二

甕社湖頭暝維梢酒一杯不知初月上疑是蚌珠來

其三

二十四橋月醉踏未成半終夜歌吹喧誰傳廣陵散

弇州山人續稿

卷之二十

十七

其四

喚船楊子渡來往無一刻勝作天塹時乾坤限南北

其五

茅君挾二弟去騎三白鶴良常西南垂可能借人宿

其六

下爲范公祠上爲萬笏林空瞻范公笏不曉范公心

其七

拔地一千尺割城三百畝中有萬玉山此腹知不負

其八

載酒垂虹橋鼓吹乘暝發瞥見金波流七十二殘月

其九

岳王墳畔松枝盡南向無那臨臯亭國書偏北上

其十

栖霞佛堂頂流水僧寮下爲戀清梵音跳珠不成寫

南昌饒生善醫余友王茂才有隱疾能起之索

二絕句一韻以贈

探囊得秘藥投杖已沈疴試語天帝禦論功應孰多

其二

博得羣珠贈王郎起卧痾如逢魏侯疾轉見賜車多

嘉則長卿復以五言絕句廿首博和有如樂府

弇州山人續稿

卷之二十

十一

者有如詠史者漫爲倚答當更許我事不許

我情也仰山師云神道則不無佛法湏還老

夫在一咲

避雨陵

昔聞六龍駕蜿蜒二陵聞至今風雨後清蹕滿空山

穆天子

八駿長在驅生嫌八荒小百辟長在服生憂百年少

韓重答紫玉

主是天上人却爲人間死生不結同心空令木連理

細腰官

楚舞雖自佳楚腰太無力君王幸顧賤妾忘朝會

高漸離筑

縱令無目生不如有心死惜哉高氏筑仍作荆卿七

五大夫松

偶爾被秦官何榮亦何辱萬古徂徠雲依然衛其足

鴻門玉斗

此時亞夫心分與玉俱碎却恨入關初不爲完璧計

江臯解珮

人去珮亦去珮空人自空情知不嫌婉猶道有無中

九微燈

弇州山人續稿

卷之二十

十九

灑灑九微燈流光鑠瑤席忽報阿環來芙蓉別成色

李夫人

倏來仍倏往亦知事非的其柰爾兄云佳人難再得

望鄉臺

少卿望鄉臺築城鄉不見賴是不見鄉見來腸寸斷

相如滌器

日醉臨卣市不題臨卣壁怯他賣酒人胸中五雲色

青塚

明妃死時身一帝兩單于不知塚頭草爲誰長不枯

夔下琴

自脫厨中爨殘軀擬報恩如何山水調翻向董侯門  
白門柳

仲冬白門柳維舟露稍影日暮鳥不栖天空踏枝冷  
鄭櫻桃

自嘗鄭櫻桃百果不掛齒生憎寇覓兒眼中復有耳  
習家池

從他金鑿盞不博白接離胡兒渡洛水奪汝習家池  
玉鏡臺

老奴玉鏡臺安儂七寶鏡奴自當奴心儂自憐儂命  
解語花

比妾解語花忍咲問東風卽令花解語難道得如儂

梁公賭棗  
殿前集翠裘褫奴與奴着殿上武媚娘呼誰共誰博

戲贈朱生  
小吏黃衣是雄譚白馬非何如學方朔割肉該諧歸

暑候平原侯跳丸方小說頃刻數千言斜陽尚林樾

訪吳登不值承見寄三絕句賦此爲答  
從此步屨過吳均莫相避試看白板扉的應無鳳字

其二

蹈海惜珠沈歸來偶溪漲忽見明月光居然開老蚌  
其三

春來花鳥意父子各爭新但啓柴門看人間大有入  
石丈拱辰抱西河之戚今聞後房有旦夕就館  
者寄此祝之

忠義鄉中曉充閭佳氣新抱來應有誌天上石麒麟  
其二

多生父子緣一念恩情重爲是顧非熊還應入熊夢  
其三

庭前一枝玉庭表五色雲莫輕襁中兒它年萬石君  
弇州山人續稿卷之二十

其四

去却掌中珠還從蚌中覓合浦作漳流精光夜如日  
入秋無事案頭偶有紙筆隨意輒書如風掃蕩  
不倫不理故曰雜題

其二

事在名教中理在名教外事理兩無涉於中得自在  
上智與狂愚俱能奪造化唯有中根人隨緣作榮謝

其三

東林咫尺地陶然四方樂却咲柴翁斷酒有何惡

其四

識來圖幾幾身即民共共然問安

阿難縱強記何如周利盤伽陀無一句調息入泥丸

其五

快如久繫人忽遶獨角赦不作謝臨川矯首白蓮社

其六

一把茅蓋頭兩盂陳脫粟笑殺頂生王到了不知足

其七

使我自識我何能遽如此我爲知己生古爲知己死

其八

阿母偶一來羅刹長伴汝何意晚對人神仙皆妄語

其九

會州山人續稿

卷之二

三

千金蓄稚鼎萬金買良藥未必懸鵲子翻戀人間樂

其十

劍客學神仙十年不敢試除却小有天能無不平事

其十一

西有華胥國北有枸盧州那堪此中住耐可少時游

其十二

十三八月清光濯毛髮真境苟不虧從人指圓缺

其十三

秋聲不解愁偶叶愁人意任使將愁來無愁與相會

其十四

黃鵠毋愛飽那怕人間網不誇羽翼長但誇天地廣  
其十五

大毀彌天來今生夙生事差勝買虛名尸居長抱愧  
其十六

人生貴六尺借汝成不朽煉得身外身此身亦芻狗  
其十七

鐵色閻摩門乃入曇謨最所以阿蘭那空生獨三昧  
其十八

百幻葛孝先猶云拙用身我但皮膚盡湛然唯一真  
其十九

弇州山人續稿

卷之二十

三三

學士愛栽花花開咲我老何如郭四朝良常種五果  
其二十

中黃戀世樂西域勞仙職快哉呂子華方臺寄幽跡

呂公不居人間又不願造位故云

其二十一

天門無限好却莫忘人間慶了衆生後丹元才放開  
其二十二

火棗侑神梨金漿調玉醴但與許道士不與許長史  
其二十三

昔有郭崇子譽讐讐死德報固寬身直斯可以已

其二十四

調達丈五身劫火燒不息一生無所為與佛作功德

其二十五

趙州栢樹子強半嫌人死脫得葛藤纏走入蓋壘裏

其二十六

宗門伎倆盡支離作曹洞何似無心人棒喝兩不用

其二十七

達磨三遇毒夫豈流支意大道寧有町並行不相悖

其二十八

雖云却五辛段食猶自寬要和禪悅味不在歡喜丸

舟州山人續稿

卷之二十

三四

其二十九

縱無香積飯不愛重思稻天漿但入唇人生何用飽

其三十

出家夙世緣拋官丈夫事合眼四十年裁能識吾弟

其三十一

...

其三十二

...

...



弇州山人續稿卷之二十一

吳郡王世貞元美著

詩部

五言絕句

爲胡元瑞題綠蘿館二十詠

石屏

一夜點蒼山入君讀書舍  
芊眠白雲色而親在其下

琴

誰言廣陵散便逐嵇生逝  
小作三日思歸鴻渺然至

劍

弇州山人續稿

卷之二十一

葉葉霜芙蓉半蝕土花碧  
乍可千歲埋不借一夫力

書笥

一字少有餘五車多不足  
七日暴君笥何如晒君腹

玉磬

濯濯泗濱玉泠泠時一拊  
門有荷蕢言汝心在千古

五嶽圖

自謁上元歸不作向平想  
儼然病維摩阿闍在手掌

碁

欲知九枰勝來自孤山媪  
但睹宣城郡不睹謝公墅

膽餅

小小一軍持時露春消息擲去色卽空插來空卽色

筍

截彼君山竹譜作瀟湘思他年遇阿猷不得誇身貴

茶竈

蟹眼猶未發雀舌已芬敷自炊還自啜不愛文君鑪

螺杯

君房鸚武杯堪汝醉千日那似壺公壺易入還易出

琴石

颺爾金颺過嗚然冰絃響彷彿百尺桐仍栽嶧山上

博山鑪

傘州山人續稿卷之二十一

匡牀金博山上有鷓鴣班輕颺約香霧裊裊上雲鬢

麈尾

愛君兩手色白於手中玉第深無諍義麈尾何必禿

羽扇

不愁秋氣至棄置歸篋中當時萬里翻扶搖快秋風

芒屨

笑它阮宣子生平但蠟屐何似芒屨輕春原踏無跡

芙蓉帳

挑燈捲綃幕朶朶秋花明恍如挈仙侶踏月芙蓉城

湘竹簟

玉臂展清輝輕紋熨柔翠不道香汗流道是湘君淚  
胡牀

胡郎坐胡牀却發庾公興冉冉南樓月徐徐破殘暝

石枕

枕此支機石欲挹天漿冷無柰泥丸翁時時喚令醒  
十一月弇園紅梅盛開偶成

仲冬攏梅發繁英簇紅霞過意百花魁翻疑百花殿

其二

大小兩黃鸝公然喫花住頃刻布同雲迷却來時路  
貽拱辰兄詩之來歲爲辛巳秋有傳舉丈夫子

傘州山人續稿

卷之二十一

三

者再得四絕句

念無凌風翻啖汝洗兒果莫咲儂無功一字珠一顆

其二

去家不百里幽蘭生鄭谷卽看入夢後榮庭盡芳玉

其三

抱兒謁先公了此宗祧寄羸得七尺軀別創千秋事

其四

人言此石丈磊塊無潤色我見重再拜中孕連城璧

贈松隱上人

爲愛松隱名去覓松隱跡只在此松間覲面不相識

其二

偶步九里松忽聞清唳響不見諷經人聲逗青松上

贈張五鹿三絕句

其門人為請

屠生似北海睥睨一世士自過康成門手標通德里

屠令製扁標其門口賢者

其二

授經何循循標行乃嶽嶽雖踐五鹿稱疇忍折其角

其三

若個是何湯老作受經生一當 天子問推轂桓春

卿

兪州山人續稿 卷之二十一

四

和肖甫司馬題賜德大叅東園五言絕句十首

最景園

歸仗日月餘細割湖山勝未論帝釋園人間許誰並

團雲徑

白雲滄作團回風吹不散截置一鉢中與作山僧飯

蒼雪塢

團雲變晴色古木鬱蒼蒼朱酬郢里倡且奏梁園觴

叢蘭館

幽館尋欲迷賴爾同心引任是當門生欲鋤還不忍

挹華軒

水木旦夕華茲軒巧相挹爲憐眉宇清不惜琴樽濕  
爽然堂

襟居納雄風咽如吸清冷主人不喜醉醉亦易爲醒  
專旭樓

當頭一鏡懸出沒兩輪疾爲借山色來不作尋常日  
殄英館

人見黃菊開幾見黃菊落欲得詩脾清摘英和露嚼  
右軍池

水是右軍池人是右軍裔白麻昨夜乾黃庭榻來未  
通華徑

弇州山人續稿

卷之二十一

五

峭蒨青蔥間所得亦已足忽轉天地開錦繡匡山谷  
題春雷出蟄圖

一夜春雷發羣蟄自相語神龍豈不勞人間要霖雨  
枝上小雀

尺鷃棲一枝粒粟俄已飽却笑垂天鵬饑飛何時了  
蓼根蟹

咬喋紅蓼根雙螯利於手橫行能幾何終當墮人口  
余自庚辰來抱影曇靖不識城西水面者三載

餘矣癸未八月乃送張肖甫大司馬九月送  
汪伯玉少司馬十二月送陸與繩少宰甲申

六三月送吳明卿大叅八月送李本寧大叅貞  
吉與焉九月送歐楨伯虞部遠或泊清洋近  
五亦關外而明卿獨相蟬援遂抵崑之王龍橋  
泊焉見者當駭傳以爲且破木义而不知是  
四六君子皆生平故人張范之好而命千里嵇  
吕之駕恨不能沉一葉舟裹百日糧相從於  
五湖之埃何論木义也今吾已徙處深林而  
所謂故人者亦且盡矣閒居無事愴歎之餘  
人成一絕以紀其事

送肖甫司馬於清洋江口

弇州山續稿

卷之二十一

六

其柰清洋口噓爲南北風已無官可免那不送羊公

再送伯玉至清洋口

三年洗情字一夕爲君新欲忍臨岐淚人間無此人

三送與繩至礪子木义也

人咲嵇生嬾胡然送巨源歸鴻君自看依舊入蘇門

四送明卿夜宿玉龍橋

爲少柴桑客都令慧遠驕那知今夜月已過虎溪橋

五送本寧觀潮南浦

蕭鼓下江門江潮弄午喧怕題南浦字楚客易消魂

六送楨仲於城西關

請得葳蕤鑰脚蹶未忍還亦知譙鼓急片語萬重山  
用前例送家弟敬美視閩中學然至北水關而

止蓋余已徙居鄉故也向辭此職不外吾  
祖席何妨遠依然北水門信知情至處一步也消魂

卽事

出語膾一世不受兒輩悅總爲般若河雅無文士筏

其二

聖如薄伽梵狂如阿闍世順逆雖有殊從兒得初地  
僧明智自吳明卿所來將謁海東補陀大士贈

之得二首

弇州山人續稿

卷之二十一

七

汝從下雉來欲作補陀叅風波了無際惟有天蔚藍

其二

不知圓通老道場在汝耳一夜海潮音我聞亦如是

約圃雜詠

媚清軒

綠篠媚清漣清漣媚綠篠水竹兩相媚於中寄吾傲

玉鱗館

天矯五蒼龍一夜化爲玉欲乘向瑤池嬾不代吾足

烟鬟亭

暝色團一丘炊烟四無際如入法華境面面青螺髻

欣托廬

竹爲衆鳥欣廬亦吾所愛不作物我觀彼此兩無碍

適我軒

於我旣已適於彼寧參差唯當慕落際我適彼不知

送元馭閣老二十里橋同前例得一絕句

欲作男兒別將情強折磨更堪天上淚翻比世間多

弇園雜咏四十三首

清凉界

步屨脩竹林銀橋佛廬淨灑然忽清凉是境還非境

菴香遙

弇州山人續稿卷之二十一

花氣無不薰偏與紅妝媿夜分乍解衣宛似收香鳥

此君軒

不可無此君種得百千箇試與較風流此君可無我

會心處

下有在藻魚上有啼花雀歷歷如鏡中時時與心約

玉蘭臺

謝庭凡幾樹羯末與封胡何似瑯琊亭亭玉十株

誤游磴

縱呼誤游磴勝事無不真惟嫌入山容喚作出山人

香雪徑



李白媚楊白浪誇春雪香除却江家女誰花可得當

飽山亭

客但憇此亭飽看山色足若更入山深寧知真面目

萃勝橋

鏡收遠近觀載縮往來路至此卽命觴徘徊不忍度

簪雲峯

峯勢若簪雲雲根何太低記得文登路如綿襯馬蹄

突星瀨

五夜鐘欲殘羣星墮如雨化爲瀨中石欲飛不得去

小龍湫

舟州山人續稿

卷之二十一

九

澄澄一泓水那得吐光怪山人七寸鉢尚有神龍在

千年菌

商山千年菌一朝化爲石莫令鮑靚過截作中時食

白雲障

茅山陶隱居自愛山雲白莫言難贈君于今已成石

黑雲堆

輪囷一片峯宛如黑雲吐猶疑膚寸合解作人間雨

潛虬洞

陰森石欲搏曲躍津難渡欲留不敢留一去一回顧

青虹梁

青虹梁

青虹下飲水徘徊不能去爲我作石梁遂得天台路  
雌霓深

青虬在其上雌霓甘爲下游者雖異途陰晴不相舍

契此巖

契此不彌勒此像非契此許大湏彌山收置一囊裏

忘魚磯

我非漢莊光釣磯滿蒼蘚雖有種魚經生來不開卷

環玉亭

春寒不成出小出坐此屋不知天工巧樹樹雕成玉

憫湘石

弇州山人續稿卷之二十一

宛宛欲沈波憔悴抑其首可憐望夫心却作秋胡婦

率然洞

一夜中弇雷率然穿作峽蜿蜒詰曲中時時努鱗甲

天骨峯

天公幻天骨自然吐奇秀寧如宋人葉三年雕始就

小雲門

窈窕如不窮芊眠足餘趣豈必有雲歸自是歸雲處

漱珠澗

止水清可掬居然媚其澗吾有萬斛珠漱令夜光現

借芬閣

隔嶼千葉桃清芬襲人鼻更許墻頭醪不妨便成醉  
含雪閣

直對縹緲樓疊玉瑩晶潔誦得少陵詩窻含西嶺雪  
梵音閣

夜半海潮音松風竅天籟我亦從中證非惟觀自在  
榮芝所

三弁此三夏三產三秀草吾亦有三兒寧馨似芝好  
徒倚亭

壺公樓不開於此待呼鑰長房少瀝史終享塵外樂  
分勝亭

弇州山人續稿

卷之二十一

二十一

亭前有兩徑俱取弇山右處處饒勝奇誰能雙舉肘

百衲峯

大似百衲僧却顧僧雜語其語了不聞低頭似相許

雲根嶂

偶然白雲至輝輝兩相向下有暗泉流呼作雲根嶂

玢碧梁

西弁石漸頑此梁獨玢碧近取脩竹蔭遠借高天色

却女津

少女怯危津徘徊不敢度急喚阿麼來還尋舊時路

惜別門

醉客插花歸一步一惜別不盡眼底奇歸從細君說

碧蓮池

世尊蓮正青遠公蓮自白爾向青白間別作天水碧

文猗堂

清漪感蘋末悠然自成文得月稍綺麗含霞太續紛

步屣廊

百步響屣廊步步有山看臨當出門去猶復凭闌干

來玉閣

浙浙萬瓦敲沈沈一壺醉窻裏玉山頽窻外玉山至

滿雲窩

兪州山續稿

卷之二

十二

甲帳挂流蘇人道春雲熱梅花一紙寒滿雲雲不泄

墨池

書不如右軍何煩使池墨唯用將洗心能令淨業白

題杏花書屋圖

十里杏花幄書聲琅然出要踏曲江春還從此中覓

題山水

隔崦青峭峯撲作眉間色其柰春水深褰裳不可得

贈譚道人

爲余三月住寄食贊公房却問香積飯何如太乙糧

猶念其二

昂藏九秋鶴悅懌三春柳宛似譚景昇化書可成否  
同具其三

聞汝返金山何不焦山住焦光雖苦生郭第能供具  
其四

汝携王孫詩爲標國香集將過沅澧間秋蘭見應泣  
題奕蒼圖

松下兩仙人蒼聲日敲戛不愁清景移愁它殺機發  
文殊洞

老大妙德軀于焉暫棲止猶勝運乖時掉入粥鍋底  
辟支塔

兪州山人續稿卷之二十一  
自叅薄伽梵悔作辟支佛舍利何足言劫前一枯骨  
又題清涼臺

別借金剛窟微分利室場羞他石衛尉火宅號清涼  
金谷有清涼臺

公瑕先生在白下兩月許別去得四絕句送之  
皆實際語也

長干一萬家半是君題壁欲贈草書歌慚余非李白  
其二

同是金陵客君歸我不歸江頭一延頸悔殺是朝衣  
其三

爾賣梅花庄我冷芙蓉聖藥處不得歸歸卽無樂處

其四

念汝西河感身罹隔谷悲人生缺陷地同是白頭時  
追補姚元白市隱園十八詠

玉林

天墜白玉簪蠱作君家林忽爾天籟發珊珊環珮音

茶泉

先從陸羽品旋向君謨鬪蟹眼初瀝時靈犀已潛透

中林堂

長林四周遭於中可避世何必學黃公商山尋地肺

舟州山人續稿

卷之二十一

十四

思玄堂

栖君思玄室誦君思玄賦此意無可言莫爲平子誤

春雨畦

一夜春雨過千畦盡成綠不曉意所欣道是齋厨足

觀生處

但欲觀我生茫茫無可據斷盡有漏緣悠然見生處

容與臺

一琴復一觴咫尺足容與不作繁吹臺歌管日聒汝

海月樓

明月將海色闌入君家樓憑欄一矯首滿地金波流

鷺羣閣

周郎卧水閣日從墨卿御不教寫黃庭爲恐籠鷺去

鷗波

數點白不定忽浮還忽沈非關乏去志緣爾少機心

洗硯機

右軍洗硯池池水猶未黑借問何以然爲有魚吞墨

柳浪堤

垂楊釀新綠蕩漾如春波欲學三眠穩其如波響何

秋影亭

秋樹影扶踈斜陽半亭挂似延李營丘寫得寒林畫

弇州山人續稿

卷之二十一

十五

浮玉橋

水面蜿蜒虹乃是堅牢玉我欲訪蓬萊龜鼉不須屬

芙蓉館

水木兩芙蓉爲媚非一時客愛承露色我愛凌雲姿

鶴徑

藩竹別成徑小欲觀步鶴何似養翻成高秋縱天路

萃止居

客從何方來來復不肯去爲貪主人佳盡作王猷趣

借暝菴

暝色何可愛爲辭白日囂非同倦飛鳥大小歸其巢

傷俞四盲子伯安爲其父仲蔚絕後也

汝生不成生汝死乃真死可憐桑苧翁今作若敖鬼

其二

莫以盲兒醜亡來亦可傷徵君三尺土隨意上牛羊

題沈啓南畫忘憂草

嫣然一株花媚此庭中幽翻覺此名贅人生何所憂

沈啓南畫溪亭散木圖入元人題此不覺塵思

灑然

古木蔽炎日新蕉延遠颺大有會心處悠然當告誰

題張復畫二十絕

弇州山人續稿

卷之二十一

十六

山坳滄白雲天外挂紅日於中得少趣翻嫌去帆疾

其二

借彼容足地寓此無窮目別岫寫遠青微波皺新綠

其三

樹樹鴨頭綠溪溪魚鱗白欲覓酒家胡雲深斷行踪

其四

千巖去不盡一瀑斷還連踟躕不忍別且伴鹿麋眠

其五

科頭長松下垂釣清波裏借問漁者誰不語亦不起

其六



中天插恠石半壁界飛湍欲識溪橋路前林楓葉丹

其七

白雲封不住碧樹吐奇滋相看兩無語各是會心時

其八

疎林帶遠色危石激清籟時有遠鐘聲空堵在雲外

其九

叅差佛頭山迤邐鮫人室但許日高眠何妨氣蕭瑟

其十

犯漢峯巉巉濺流石齒齒中有一漁舟疑是玄真子

其十一

奔州山人續稿

卷之二十一

十七

高梧翳長空驕陽安在哉綠蕉携石色復自牆頭來

其十二

孤亭卓危岫下臨千仞溪不識琴中理蕭條空自悲

其十三

恠石露山骨喬松吸雲根于焉聊一憩可以清心靈

其十四

着蘚石逾醜欺霜樹成頽寫此無聲詩摩娑亦不俗

其十五

列岫引船頭千林羃墻角看着此中佳此中人不覺

其十六

一帶孱顏嶺蒼黃晡靄間浮雲忽中斷界出米家山  
其十七

高巖如被褰紛紛挂藤薜下有青葱樹直上鬪秋色  
其十八

不受奚官秣嘶鳴恨自深念君非伯樂安知千里心  
其十九

蹇衛不肯前千山盡成縞唯餘數株栢不與山同老  
其二十

插天兩喬松下有兩翁語異日坐松根還能具雞黍  
又題庚寅元日

弇州山人續稿

卷之二十一

六

今歲庚寅旦真成白虎罇君王且莫發烏鵲正爭喧  
余佐留樞諸曹掾中有南充劉璋者偶諸生試  
其文爛然已而竟從本格得官將歸省叩余  
秋署乞一言之贈若有不釋然者余閱其意  
走筆得二絕句付之時方乞休在告也

念汝得一官壯心猶若失却問漢叻曹何煩曉經術  
其二十一

汝返巴中路千山盡子規金陵啼不徹况乃日斜時  
爲緣督比丘題戚不磷畫

山深斷人跡雲滃迷前路偶爾飛錫鳴知是僧歸處

題畫石榴

君自閩天來豈少陳家紫何似安石榴纍纍結佳子  
談思重爲吳翁晉畫枯木白頭翁因題一絕

可憐白頭翁振羽一枯木莫訝春風饑早晚櫻桃熟

謝病間行至攝山而司馬故部劉將軍馳送出

一扇乞詩走筆得五言絕與之

呵殿都揮盡肩輿松栢風猶殘故部曲一騎夕陽中

題倪元鎮小畫

懶瓚真懶瓚殘楮復殘墨不結丹青綠物外寫秋色

爲于生題周叔夜畫扇

弇州山人續稿

卷之三

十九

初見謂倪迂稍看乃周瘦留作千古心毋輕宣懷袖

六言絕句

夢後戲成

習氣消除未盡夢裏青衫一官二十六年金紫此夢

已覺猶殘

其二

一生奔走紅塵有夢暫作閒人今日身閒夢甌不知

誰假誰真

爲韓臣題書齋

月團小鬪茶品雲液全依酒經博山裊罷沈水白麻

搦得黃庭

漫興四首

西風吹葉攪眠家  
家拆洗裝綿  
唯有老夫不會一壺  
且爇目前

其二

負曝小坐冬烘兀兀騰騰  
夢中耳邊忽報飯熟一笑  
拋却周公

其三

殘鐘四點五點新月一櫺半櫺  
却笑當年此際酒去  
愁來到明

弇州山人續稿

卷之三

五

其四

無名野花爭發自在清溪  
暗流聽罷農歌穰稷旋聞  
山鳥鈎輈

口號十首

儒童本來菩薩大覺亦是金仙  
其柰兒孫合闕與說  
無始根緣

其二

維摩夜來病熱千言萬言不休  
偶然剎那閉口坐斷  
天下舌頭

其三

有子莫習抱朴無師難解叅同覓得生前一物萬古  
明月清風

其四

玄奘欲從西返道遇達磨東歸我已盡黜義相百夾  
千像何爲

其五

香積鉢底分飯趙州鑪頭啣茶喫了依然不會問着  
只索瞞他

其六

趙州行脚亦得寒山散聖也奇五葉莫嫌零落五位  
拿州山續稿

卷之二十一

三

已自支離

其七

講座清涼疏鈔禪宗臨濟評唱不論伎倆有無見了  
先喫十棒

其八

銅龍自鎖幽關白虎不借西隣齋庫爛錢一索遣發  
上陽道人

其九

夢後喚醒良知靜中養出端倪舉似瞿曇季老曾止  
啼哭小兒

其十

易擲千金大海難拋萬卷填胸未敢望他乾慧且求  
暫落頑空

題小溪卷

愚公剪分燕尾封姨熨皺澁文省可全貯初月有時  
半卷春雲

得屠長卿慰辰玉悼亡六言六絕句和示辰玉  
大點不作奉倩小戀聊似安仁一枕槐根夢覺依舊  
人間散人

其二

弇州山人續稿

卷之二十一

三

洛陽千樹花落爭怨東風作惡記取花未開時眼底  
何曾寂寞

其三

莫倚青天長在長卿句云云四禪始免風輪不生自然不  
滅無患湏解無身

其四

勿學君家夷甫駕言我輩鍾情掃却世間情字脚底  
蓮花自生

其五

與親帝釋天女始得難陀興闌至竟揚湯止沸寧如

火盡湯寒

其六

牢記阿翁數語囑然一咲撒開何事悲它冥路北汝  
先見如來

有感

人云舉頭八座我曉失足三途開籠故憐鸚鵡倚杖  
或聽鷓鴣

其二

漸踈青州從事頗倦子墨客卿心事栽松道者門風  
泄柳先生

龔州人續稿

卷之二十一

二十三

其三

孟嘉司馬方外弘景宰相山中何似破除都盡止管  
山月松風

其四

出逢野人爭席歸觀山鳥銜花無妨淨行居士是否  
禪那作家

龔園雜題八絕

西歸津

佛日瞻依咫尺其柰波羅乏船籍令折蘆北渡何似  
隻履西還

磬玉峽

尋源渺渺無際歸口泠泠異音病夫世念灰盡未許  
荷蕢知心

紫陽壁

紫陽一壁乍開千疊磊柯崔巍不是祖龍鞭就却疑  
靈鷲飛來

鰲背梁

小立中舂鰲背俯看叫篠巘屹東澗藤緣西澗下盤  
花接上盤

碧皴峯

弇州山續稿

卷之二十一

二十四

一峯百孔嘈食文以碧皴嘉名從此盧家老婢醉倒  
七碗先生

九龍嶺

嶺頭頂立青松往往人呼九龍但作華陽好友不煩  
秦世崇封

廣心池

莫欺方池一畹對爾胸中廓然平吞雲夢八九別有  
世界三千

芙蓉渚

薰風廣池佳麗白露一岸清華喚作玉兒俱得元家



難比蕭家買高卷之二十一

送楊寧叔歸山東

楊烈寧叔者東萊之昌邑人也二十一以諸  
生高等應試歸失母葬畢徒步二千里謁余  
請受詩於錢生研精制科業兼通古文奇書  
其純孝高志苦節獨行未易以更僕數今年  
學成別余而歸省墓因就試山東予之郵繻  
辭貽之資斧亦辭曰非吾徒步意也記東萊  
有毛文簡公者去生踰百年矣相業高一時  
得大臣進退之義其領解之齡卽生歲也因  
贈之六言二絕句且以文簡公爲屬云

舟州山人續稿

卷之二十一

二十五

不辭鄭玄負笈欲從匡鼎解願今日阿蒙吳下他年  
夫子關西

其二 其二 其二 其二 其二 其二 其二 其二 其二 其二

百年汝鄉人傑一代山斗毛公母論鰲峯冠項要並  
麟閣標雄

生高學熟精體夫母葬畢徒步二千里謁余  
請受詩於錢生研精制科業兼通古文奇書

舟州山人續稿

舟州山人續稿卷之二十一

